

附釋音春秋左傳注疏卷第六

桓三年 盡六年

杜氏注

孔穎達疏

經三年春正月公會齊侯于贏

經之首時必書王明此麻天王

之所班也其或廢法違常失不班麻故不書王贏齊邑今泰山羸縣○經三年正月從此盡十七年皆無王唯十年有二傳以為義或有王
疏注經之至羸縣○正義曰桓公元年九年春無王無月其餘十三年雖春有月悉皆無王穀梁傳曰桓無王其曰王何也謹始也其曰無王何也桓弟弑兄臣弑君天子不能定諸侯不能救百姓不能去以為無王之道遂可以至焉爾元年有王所以治桓也二年有王正與夷之卒也十年有王正終生之卒也十八年書王范甯注云此年書王以王法終治桓之事先儒多用穀梁之說賈逵云不書王弑君易祊田成宋亂無王也元年治桓二年治督十年正曹伯十八年終始治桓杜以正是王正麻從王出故以為王者班麻史乃書王明此麻天王之所班也其或廢法違常失不班麻則諸侯之史不得書王言比十三年無王皆王不班

厯故也劉炫規過云然天王失不班厯經不書王乃是國之
大事何得傳無異文又昭二十三年以後王室有子朝之亂
經皆書王豈是王室猶能班厯又襄二十七年再失閏杜云
魯之司厯頓置兩閏又哀十三年十二月螽杜云季孫雖聞
仲尼之言而不正厯如杜所注厯既天王所班魯人何得擅
改又子朝奔楚其年王室方定王位猶且未定諸侯不知所
奉復有何人尚能班厯昭二十三年秋乃書天王居于狄泉
則其春未有王矣時未有王厯無所出何故其年亦書王也
若春秋之厯必是天王所班則周之錯失不關於魯魯人雖
或知之無由輒得改正襄二十七年傳稱司厯過再失閏者
是周司厯也魯司厯也而杜釋例云魯之司厯始覺其謬頓
置兩閏以應天正若厯爲王班當一論王命寧敢專置閏月
改易歲年哀十三年十二月螽仲尼曰火猶西流司厯過也
杜於釋例又云季孫雖聞此言猶不卽改明年復螽於是始
悟十四年春乃置閏欲以補正時厯旣言厯爲王班又稱魯
人輒改改之不憚於王亦復何須王厯杜之此言自相矛盾
以此立說難得而通又案春秋經之闕文甚多其事非一亦
如夫人有氏無姜有姜無氏及大雨霖墻咎如潰之類也此
無王者正是闕文耳今刪定知此不書王非是經之闕文必
以爲失不班厯者杜之所據雖無明文若必闕文止應一事

兩事而已不應一公之內十四年並闕王字杜以周禮有頒告朔于邦國都鄙以有成文故爲此說但齊桓晉文以前翼戴天子王室雖微猶能班厯至靈王景王以後王室卑微厯或諸侯所爲亦遙稟天子正朔所以有子朝之亂經仍稱王不責人所不得也猶如大夫之卒公疾在外雖不與小斂亦同書日之限然則司厯之過魯史所收據此而言有何可責劉君不尋此旨橫生異同以規杜過恐非其義也

○夏齊侯衛侯胥命于蒲

申約言以相命而不歃血也蒲衛地在陳留長垣縣西南○約如字又於妙反歃所洽反垣音袁

○六月

公會杞侯于郕○秋七月壬辰朔日有食之

既無傳既盡也厯家之說謂日光以望時遙奪月光故月食日月同會月奄日故日食食有上下者行有高下日

光輪存而中食者相奄密故日光溢出皆既者正相當而相奄間疏也然聖人不言月食日而以自食爲文闕於所不見

疏注既盡至不見○正義曰食既者謂日光盡也故云既盡也月體無光待日照而光生半照卽爲弦全照乃成

望望爲日光所照反得奪月光者厯家之說當日之衝有大如日者謂之闔虛闔虛當月則月必滅光故爲月食張衡靈

憲曰當日之衝光常不合是謂闕虛在星則星微遇月則月食是言日奪月光故月食也若是日奪月光則應每望常食而望亦有不食者由其道度異也日月異道有時而交交則相犯故日月遞食交在望前朔則日食望則月食交在望後望則月食後月朔則日食交正在朔則日食既前後望不食交正在望則月食既前後朔不食大率一百七十三日有餘而道始一交非交則不相侵犯故朔望不常有食也道不正交則日斜照月故月光更盛道若正交則日衝當月故月光即滅譬如火斜照水日斜照鏡則水鏡之光旁照他物若使鏡正當日水正當火則水鏡之光不能有照日之奪月亦猶是也日月同會道度相交月揜日光故日食日奪月光故月食言月食是日光所衝日食是月體所映故日食常在朔月食常在望也食有上下者行有高下謂月在日南從南人食南下北高則食起於下月在日北從北人食則食發於高是其行有高下故食不同也故異義云月高則其食虧於上月下則其食虧於下也日月之體大小正同相揜密者二體相近正映其形故光得溢出而中食也相揜疏者二體相遠月近而日遠自人望之則月之所映者廣故日光不復能見而日食既也日食者實是月映之也但日之所在則月體不見聖人不言月來食日而云有物食之以自食爲文闕於所不

見也。公子翬如齊逆女。禮君有故則使卿逆。〔疏〕注禮君至卿

天子尊無與敵不自親逆使卿逆而上公臨之諸侯則親逆

有故得使卿八年祭公逆王后于紀傳曰禮也是當使人天

子不親逆也襄十五年傳曰官師從單靖公逆王后于齊卿

不行非禮也是知天子之禮當使卿逆而上公臨之也禮記

哀公問曰冕而親迎不已重乎孔子對曰合二姓之好以繼

先聖之後以為天地宗廟社稷之主君何謂已重乎此對哀

公指言魯事是諸侯正禮當親逆也莊二十四年公如齊逆

女正明不為之傳以其得禮故也文四年逆婦姜于齊傳曰

卿不行非禮也以卿不行為九月齊侯送姜氏于謹

非禮知君有故得使卿逆也謹魯地濟北蛇丘縣西有下謹亭已去齊國故不言

女未至於魯故不稱夫人。謹呼端反蛇以支反公會

齊侯于謹。夫人姜氏至自齊。無傳告於廟也

齊侯送之公。冬齊侯使其弟年來聘。有年。

受之於謹。〔疏〕有年。正義曰年訓為稔謂歲為年者取

無傳五穀皆熟書有年。其歲穀一熟之義故禾稼既收農功畢入

〔疏〕有年。正義曰年訓為稔謂歲為年者取

無傳五穀皆熟書有年。其歲穀一熟之義故禾稼既收農功畢入

〔疏〕有年。正義曰年訓為稔謂歲為年者取

無傳五穀皆熟書有年。其歲穀一熟之義故禾稼既收農功畢入

以其歲豐於常故史書有年於策此書有年宣十六年書大有年穀梁傳曰五穀皆熟爲有年五穀大熟爲大有年杜預穀梁爲說其義亦當然也周禮疾醫以五穀養病鄭玄云五穀麻黍稷麥豆卽月令五時所食穀也賈云桓惡而有年豐異之也言有非其所宜有案昭元年傳曰國無道而年穀和熟天贊之也是言歲豐爲佐助之非妖異之物也君行既惡澤不下流遇有豐年輒以爲異是則無道之世唯宜有大饑不宜有豐年非上天佑民之本意也且言有不宜有傳無其說釋例曰劉賈許因有年大有年之經有鸚鵡來巢書所無之傳以爲經諸言有皆不宜有之辭也據經螟螣不書有傳發於魯之無鸚鵡不以有字爲例也經書十有一年十有一月不可謂不宜有此年不宜有此月也螟螣俱是異常之災亦不可謂其宜有也

傳三年春曲沃武公伐翼次于陘庭韓萬御

戎梁弘爲右

武公曲沃莊伯子也韓萬莊伯弟也御戎僕也右戎車之右

疏

注武公至

之右。正義曰武公莊伯子韓萬莊伯弟世本世家文也周禮戎僕掌馭戎車戎右掌戎車之兵革使故知御爲戎僕右

是戎申之右也。逐翼侯于汾隰。汾隰汾水邊。○汾扶云反。汾水名下。濕曰隰。疏

注汾隰汾水邊。○正義曰釋例曰汾水出大原故汾陽縣東南至晉陽縣西南經西河平陽至河東汾陽縣入河爾雅釋地云下溼曰隰知驂絰而止。驂驂馬。○驂七南反。絰戶卦反。驂芳非反。疏

注驂驂馬。○正義曰說文云驂驂旁馬是驂驂為一也。初駕馬者以二馬夾轆而已。又駕一馬以兩服為參。故謂之驂。又駕一馬乃謂之駟。故說文云驂駕三馬也。駟一乘也。兩服為主以漸參之。兩旁二馬遂名為驂。故摠舉一乘則謂之駟。指其驂馬則謂之驂。詩稱兩驂如舞。二馬皆稱驂。禮記稱說驂而聘之一馬亦稱驂。是本其初參遂以為名也。驂馬在衡外挽鞞。每絰於木山。頸不當衡。故也。名驂者以駟馬有驂驂之容。故少儀云駟驂翼翼是也。夜獲之及

樂共叔。共叔桓叔之傅。樂賓之子也。身傅翼侯父子各殉所奉之主。故并見獲而死。○共音恭。注同。殉似後

反。會于贏成昏于齊也。公不由媒。介自與齊侯會而。成昏非禮也。○介音界

疏。注公不至禮也。○正義曰此成昏謂聘文姜也。詩刺魯桓公不能禁制文姜云取妻如之何。匪媒不得。既曰得

會于贏成昏于齊也。公不由媒。介自與齊侯會而。成昏非禮也。○介音界

會于贏成昏于齊也。公不由媒。介自與齊侯會而。成昏非禮也。○介音界

會于贏成昏于齊也。公不由媒。介自與齊侯會而。成昏非禮也。○介音界

會于贏成昏于齊也。公不由媒。介自與齊侯會而。成昏非禮也。○介音界

止曷又極止言桓公以媒得文姜此云不由媒者公親會齊
侯必無媒也詩舉正法以刺上傳據實事以解經故不同耳

○夏齊侯衛侯胥命于蒲不盟也○公會杞

侯于郕杞求成也二年人杞故○秋公子翬如

齊逆女修先君之好故曰公子昏禮雖奉時君之命其言必稱

先君以為禮辭故公子翬逆女傳稱修先君之好公疏注

子遂逆女傳稱尊君命互舉其義○好呼報反注同昏

禮至其義○正義曰公子遂逆女傳言尊君命是奉時君之

命也此言脩先君之好是稱先君為辭也翬遂俱是逆女傳

文各言其一是一互舉其義昏禮納采辭曰某有先人之禮使

某也請納采其納徵辭曰某有先人之禮使某也請納徵是
男家辭也主人禮賓辭曰子為事故至於某之室某有先人
之禮請禮從者是女家辭也彼士禮也故稱先人若諸侯則
稱先君以此知其言齊侯送姜氏非禮也凡公女
必稱先君以為禮辭嫁于敵國姊妹則上卿送之以禮於先君公

乎則下卿送之於大國雖公子亦上卿送之

於天子則諸卿皆行公不自送於小國則上

大夫送之

齊侯送姜氏本或作送姜氏于謹公子則下卿送公子公女

疏

凡公至送之

正義曰昏以相敵為耦先以敵國為文然後於大國小國辨其所異姊妹於敵國猶上卿送之於大國則上卿必矣且姊

妹禮於先君不以所嫁輕重雖則小國亦使上卿送也於小國則上大夫送之文承公子之下謂送公子非送姊妹也周

禮序官唯有中大夫無上大夫也禮記王制曰諸侯之上大夫卿鄭玄云上大夫曰卿則上大夫即卿也又無上大夫矣

而此云上大夫者諸侯之制三卿五大夫五人之中又復分為上下成三年傳曰次國之上卿當大國之中中當其下下

當其上大夫小國之上卿當大國之下卿中當其上下也○冬齊仲

年來聘致夫人也

古者女出嫁又使大夫隨加聘問存謙敬序殷勤也在魯而出則曰

致女在他國而來則摠曰聘故傳以致夫人釋之

疏

注古者至釋之正義曰經書來聘傳言致夫人是行聘

禮而致之也故知使大夫隨加聘問得所以存謙敬序殷勤也其意言不堪事宗廟則欲以之歸也成九年季孫行父如宋致女與此事同而文異故辨之云在魯而出則曰致女在他國而來則摠曰聘是詳內略外之文傳嫌其不同故以致夫人釋之○芮伯萬之母芮姜惡芮伯之多寵人也

故逐之出居于魏

為明年秦侵芮張本芮國在馮翊臨晉縣魏國河東北縣○正義曰地理志云馮

鏡反國名惡鳥

疏

注為明至北縣○正義曰地理志云馮翊臨晉縣芮鄉故芮國也河東郡河北

縣詩魏國也世本芮魏皆姬姓尚書顧命成王將崩有芮伯為卿士名諡不見魏之初封不知何人閔元年晉獻公滅魏

芮則不知誰滅之

經四年春正月公狩于郎

冬獵曰狩行三驅之禮得田狩之時故傳曰書

時禮也周之春夏之冬也田狩從夏時郎非國

疏

注冬獵

肉之狩地故書地○狩手又反夏戶雅反下同

正義曰冬獵曰狩爾雅釋天文也易比卦九五王用三驅失

前禽鄭玄云王者習兵於蒐狩驅禽而射之三則已法軍禮

前禽鄭玄云王者習兵於蒐狩驅禽而射之三則已法軍禮

也失前禽者謂禽在前來者不逆而射之旁去又不射唯背

走者順而射之不中則已是其所以失之用兵之法亦如之

降者不殺奔者不禦皆為敵不敵已加以仁恩養威之道是

說三驅之事也狩獵之禮唯有三驅故知行三驅之正禮得

田獵之常時故傳曰書時禮也善其得時明禮皆無違矣周

之春正月建子即是夏之仲冬也周禮大司馬中冬教大閱

遂以狩田是田狩從夏時也釋例曰三王異正朔而夏數為

得天雖在周代於言時舉事皆據夏正故公以春狩而傳曰

書時禮也隱五年公矢魚于棠傳曰言遠地也僖二十八年

天王狩于河陽傳曰言非其地也舉地名者皆言其非地故

知此郎非國內之狩地故書地也若國內狩地大野是也哀

十四年傳曰西狩於大野經不書大野明其得常地故不書

耳由此而言則狩于羔蒐于紅及比蒲昌間皆非常地故書

地也田狩之地須有常者古者民多地狹唯在山澤之間乃

有不殖之地故天子諸侯必於其封內擇隙地而為之僖三

十三年傳曰鄭之有原圃猶秦之有具圃也是其諸國各有

常狩之處違其常處則犯

害居民故書地以譏之

○夏王使宰渠伯糾來

聘宰官渠氏伯糾名也王官之宰當以才授位而伯糾攝

聘父之職出聘列國故書名以譏之國史之記必書年以

集此公之事書首時以戒此年之諫故春秋有空時而無

事者今不書秋冬首月史闕文他皆放此○糾居黜反

注宰官至放此○正義曰周禮天官有大宰小宰宰夫知宰

是官也傳言父在故名知伯糾是名自然渠為氏矣周禮大

宰卿小宰中大夫宰夫下大夫未知伯糾是何宰也貶之乃

書名則於法當書字但中下大夫例皆書字則此宰高下猶

未可量故注直言王官之宰不指小宰宰夫慎疑故也詩稱

濟濟多士書戒無曠庶官為政有三擇人為急王官之宰當

以才授位今其父居官而使子攝職是王者輕侮爵位遭人

則可故書名以譏之糾之出聘事由於王而貶糾者王不應

授糾糾不應受使二者俱有其過既糾亦所以責王如宰咥

之比也春秋編年之書四時畢具乃得為年此無秋冬知是

史闕文也舊史先闕故仲尼因之膏肓何休以為左氏宰渠

伯糾父在故名仍叔之子何以不名又仍叔之子以為父在

稱子伯糾父在何以不稱子鄭箴之云仍叔之子者譏其幼

弱故略言子不名之至於伯糾能堪聘事私覲又不失子道

故名且字也鄭氏所箴與村

同云伯糾名且字非杜義

傳四年春正月公狩于郕書時禮也

郎非狩地故書時合

禮

疏

注郎非至合禮。正義曰春秋之世狩獵多矣見於經者無數事焉良由得時得地則常事不書故也以

獲麟在於大野得地則不書其地知地時並得則例皆不書此書公狩于郎必是有所譏刺所刺之意在於失常地也但傳於棠與河陽已云言非其地則非地之責於理已見而此狩得時恐并時亦刺駁出合禮而非禮自明故注申其意言郎非狩地唯時合禮以時合禮地非禮也公羊傳曰常事不書此何以書譏何譏爾遠也公羊說諸侯遊戲不得過郊故有遠近之言左氏無此義要言遠者亦是譏其失常地也。○夏周宰渠伯糾來聘

父在故名。○秋秦師侵芮敗焉小之也。

秦以芮小輕之

故為芮

○冬王師秦師圍魏執芮伯以歸。

三年芮伯

所敗
出居魏芮更立君秦為芮所敗故以芮伯歸將欲納之

經五年春正月甲戌己丑陳侯鮑卒。

未同盟而書名者來

赴以名故也甲戌前年十二月二十一日己丑此年正月六日陳亂故再赴赴雖日異而皆以正月起文故但書正月慎

疑審事故從赴兩

書。鮑步鮑反

疏

注未同至兩書。正義曰僖二十三

魯未與陳盟而書鮑名知其來赴以名故也隱八年蔡侯考

父卒注云蓋春秋前與惠公盟故赴以名案史記年表隱之

元年是陳桓公之二十三年則桓公亦得與惠公盟而云未

同盟者以蔡侯之卒去惠尚近故疑與惠公盟此去惠公年

月已遠且自隱公以來陳魯未嘗交好於惠公之世亦似無

盟故以未同盟解之也以長麻推之知甲戌己丑別月而赴

者並言正月故兩書其日而共言正月若其各以月赴亦應

兩書其月但此異年之事設令兩以月赴則當以四年云十

二月甲戌陳侯鮑卒五

年正月己丑陳侯鮑卒

○夏齊侯鄭伯如紀

外相朝皆言如

齊欲滅紀紀人

懼而來告故書

疏

注外相至故書。正義曰傳言朝經言

如知如即朝也下文周公如曹與此相

類故云外相朝皆言如也魯出朝聘例言如獨言外朝者經

有公朝王所以不盡云公如故獨云外也朝聘而謂之如者

爾雅釋詁云如往也朝者兩君相見揖讓兩楹之間聘者使

卿通問鄰國執圭以致君命據行禮而為言也魯之君臣出

適他國始行即書於策未知成禮與否經每有在塗乃復是

禮未必成故直云如言其往彼國耳不果必成朝聘也公朝

王所則朝訖乃書故指朝言之比齊鄭朝紀亦應朝訖乃告但略外故言如耳外相朝例不書而此獨書者傳言欲以襲

紀紀人知之明其懼而告魯故書也 ○天王使仍叔之子來聘 仍叔天

夫稱仍叔之子本於父字幼弱之辭也譏使童子出聘 疏 注仍叔至出聘。正義曰

叔字知是天子大夫也公羊穀梁皆以仍叔之子為父老代父從政左氏直云弱也言其幼弱不言父在則是代父嗣位

非父在也伯糾身未居官攝行父事故稱名以貶之此子雖已嗣位而未堪從政故繫父以譏之譏王使童子出聘也蘇

氏用公羊穀梁之義以為父老來聘非父沒義或當然 ○葬陳桓公 無傳 ○城祝

上 無傳齊鄭 將襲紀故 ○秋蔡人衛人陳人從王伐鄭 王

為伐鄭之主君臣之辭也王師敗不書不以告。從如字又才用反 ○大雩 傳例曰書不時

○雩音于祭 無傳蚣蝮之屬為災故書。 疏 注蚣

名見賢遍反 ○冬 蝮音終蚣蝮相相反蝮相魚反 疏 注蝮

故書。正義曰釋蟲云蝮蝮蝮楊雄方言云春黍謂之蝮蝮陸機毛詩疏云幽州人謂之春箕春箕即春黍蝗類也長

而青股鳴者或謂似蝗而小班黑其股狀如毒瑁又五月中以兩股相切作聲聞十數步爾雅又有螿蚤土蚤樊光云皆蠹蟻之屬然則蚤之種類多故言屬以包之傳稱凡物不為災不書知此為災故書

曹 不書奔以朝出也為下實來書也 **疏** 州公如曹。正義曰周禮公之曹國今濟陰定陶縣。陶同勞反

地封疆方五百里侯四百里伯三百里子二百里男一百里

隱五年公羊傳曰天子三公稱公王者之後稱公其餘大國

稱侯小國稱伯子男然則三公之外爵稱公者唯二王之後

杞與宋耳此州公及僖五年晉人執虞公並是小國而得稱

公者鄭立王制注以為殷地三等百里七十里五十里武王

克殷雖制五等之爵而因殷三等之地及周公制禮六國五

百里小國百里所因殷之諸侯亦以功黜陟之其不滿者皆

益之地為百里焉是以周世有爵尊而國小爵卑而國大者

言爵尊國小蓋指此州公虞公也案虞是克商始封非為殷

之餘國鄭立之言不可通於此矣杜之所解亦無明言唯世

族譜云虞姬姓武王克商封虞仲之庶孫以為虞仲之後處

中國為西吳後世謂之虞公服虔云春秋前以黜陟之法進

爵為公未知孰是或可嘗為三公之官若虢公之屬故稱公

也以其無文故備言之劉炫難服云周法二王之後乃得稱

公雖復周公大公之勲齊桓晉文之霸位止通侯未升上等
州有何功得遷公爵若其爵得稱公土亦應廣安得爵為上
公地仍小國若地被兼黜爵亦宜減安得地既削小爵尚尊
崇此則理之不通也。注不書至陶縣。正義曰如者朝也
以朝出國不得書奔外朝不書以因來向魯故書其本也世
本州國姜姓曹國伯爵譜云曹姬姓文王子叔振鐸之後也
武王封之陶丘今濟陰定陶縣是也桓公三十五年魯隱公
之元年也伯陽立十五年魯哀公之八年而宋滅曹地理志
濟陰郡定陶縣
詩曹國是也

傳五年春正月甲戌己丑陳侯鮑卒再赴也

於是陳亂文公子佗殺太子免而代之

佗桓公弟

王父也稱文公子明佗非桓公母弟也免桓公太子。佗大河反免音問父音甫

公疾病而亂

作國人分散故再赴

疏

公疾病。正義曰鄭玄論語注云病謂疾益困也

○夏齊侯鄭伯朝于紀欲以襲之紀人知之

○王奪鄭伯政鄭伯不朝

奪不使知王政。襲音習。注奪不使

知王政。正義曰隱三年傳稱王貳于虢謂欲分政於虢不復專任鄭伯也。及平王崩周人將異虢公政即周鄭交惡未得與之八年傳曰虢公忌父始作卿士于周於是始與之政共鄭伯分王政矣九年傳曰鄭伯為王左卿士然則虢公為右卿士與鄭伯夾輔王也。此言王奪鄭伯政全奪與虢不使鄭伯復知王政故鄭伯積恨不復朝王。○秋王

以諸侯伐鄭鄭伯禦之王為中軍虢公林父

將右軍蔡人衛人屬焉

虢公林父王卿士。將音子匠反下及注大將同

周公黑肩將左軍陳人屬焉

黑肩周桓公也。鄭子元

請為左拒以當蔡人衛人

子元鄭公子拒方陳。拒俱甫反下同陳直觀

反下文之陳及注同

為右拒以當陳人曰陳亂民莫有鬪

心若先犯之必奔王卒顧之必亂蔡衛不枝

固將先奔

不能相枝持也。卒尊忽反下同。

既而萃於王卒可

以集事從之

萃聚也。集成也。萃似類反。

曼伯為右拒

曼伯檀伯。曼

音 [疏]

注曼伯檀伯。正義曰十五年傳曰鄭伯因櫟人殺檀伯昭十一年傳曰鄭京櫟實殺曼伯知一人也。

祭仲足為左拒原繁高渠彌以中軍奉公為

魚麗之陳先偏後伍伍承彌縫

司馬法車戰二十五乘為偏以

車居前以伍次之承偏之隙而彌縫闕漏也五人為伍此蓋魚麗陳法。麗力之反注同縫扶容反乘繩證反
注司馬至陳法。正義曰史記稱齊景公之時有田穰苴善用兵景公尊之位為大司馬六國時齊威王用兵行威大放穰苴之法乃使大夫追論古者司馬兵法而附穰苴其中凡一百五十篇號曰司馬法車戰二十五乘為偏是彼文也五人為伍周禮司馬序官文也

戰于緇葛

緇葛鄭地

命一一拒白旜

動而鼓

旜旂也通帛為之蓋今大將之麾也執以為號令。旜古外反又古活反本亦作檜建大木置石其

上發機以礎疏注旂旂至號令。正義曰旂之爲旂事無敵靡許危反疏所出說者相傳爲然成二年傳張侯曰師

之耳目在吾旗鼓進退從之是在軍之士視將旗以進退也

今命二拒令旂動而鼓望旗之動鼓以進兵明旂是可觀之

物又旂字從从旂旗之類故知旂爲旂也周禮司常通帛爲

旂故云通帛爲之謂通用一絳帛無畫飾也鄭玄云凡旂旗

有軍衆者畫異物無者帛而已鄉遂大夫或載旂或載物衆

屬軍吏無所將如鄭之意則將不得建旂而此軍得有旂者

億二十八年傳曰城濮之戰晉中軍風于澤亡大旂之左旂

是知戰必有旂故以旂爲旂也鄭氏之言自謂治兵之時出

軍所建不廢戰陳之上猶自用旂指麾今時爲軍猶以旂麾

號令故云蓋今大將之麾執以爲號令也賈逵以旂爲發石

一曰飛石引范蠡兵法作飛石之事以證之說文亦云建大

木置石其上發其機以追敵與賈同也案范蠡兵法雖有飛

石之事不言名爲旂也發石非旂旗之比說文載之於部而

以飛石解之爲不類矣且三軍之衆人多路遠發石之動何

以可見而使二拒準之爲擊鼓

候也注以旂說爲長故從之

蔡衛陳皆奔王卒亂

鄭師合以攻之王卒大敗祝聃射王中肩王

亦能軍

雖軍敗身傷猶殿而不奔故言能軍。射食亦反中丁仲反殿多見反。

祝聃請從

之公曰君子不欲多上人況敢陵天子乎苟

自救也社稷無隕多矣

鄭於此收兵自退。隕于敏反。

夜鄭伯使

祭足勞王且問左右

祭足即祭仲之字蓋名仲字仲足也勞王問左右言鄭志在苟

免王討之非也。勞力報反注同。名仲字仲足一本作名仲字足。

疏

注祭足至非也。正義曰隱元年傳稱祭

仲上云祭仲足此云祭足十一年傳云祭封人仲足此人雖名字互見而不知孰字孰名公羊以仲為字左氏先儒亦以為字但春秋之例諸侯之卿嘉之乃書字十一年經書祭仲而事無可嘉注意以仲為名故云名仲字仲足釋例曰伯仲叔季固人字之常然古今亦有以為名者而公羊守株專謂祭氏以仲為字既謂之字無辭以善之因託以行權人臣而善其行權逐君是亂人倫壞大教也說左氏者知其不可更云鄭人嘉之以字告故書字此為因有告命之例欲以苟免未是春秋之實也宰渠伯糾蕭叔大心皆以伯叔為名則仲亦名也傳又曰祭仲足或偏稱仲或偏稱足蓋名仲字足也

是辨其名仲之意也凡傳所記事必有意存焉此○仍叔
丁寧說鄭言其志在苟免知其意言王討之非也○仍叔

之子弱也仍叔之子來聘童子將命無速反之心
久留在魯故經書夏聘傳釋之於末秋疏

注仍叔至末秋○正義曰此子來聘傳雖不言聘意蓋為將

伐鄭而遣告魯也經在伐鄭之上傳在伐鄭之下明其必有

深意故注者原之以為童子將命無速反之心久留在魯故

經書夏聘傳釋之於末秋議其夏至而秋末反也下句更言

秋大雩則秋未為末注云末秋者上有秋王以諸侯伐鄭此

仍叔之文在秋事之末故云末秋也下文更云秋者自為欲

顯天時更○秋大雩書不時也十二公傳唯此年及

別言秋○秋大雩書不時也襄二十六年有兩秋

此發雩祭之例欲顯天時以相事疏注十二至凡事○正

故重言秋異於凡事○重直用反疏義曰上既言秋王以

諸侯伐鄭而此復言秋故解之方發雩祭之例須辨雩祭之

月欲顯言天時以指怠慢之事故重言秋異於凡事凡事則

不須每事重舉時也襄二十六年重言秋者彼凡祀啓蟄

注自釋中間有初不言秋則嫌楚客過在他年凡祀啓蟄

而郊言凡祀通下三句天地宗廟之事也啓蟄夏
正建寅之月祀天南郊○蟄直立反正音征疏注

凡至南郊。正義曰：下三句謂雩嘗烝也。雩是祭天，嘗烝祭宗廟，此無祭地而言祭地者，因天連言地耳。周禮天神曰祀，地祇曰祭，人鬼曰享，對則別爲三名。散則摠爲一號。禮諸侯不得祭天，魯以周公之故得郊祀上帝，故雩亦祀帝。書傳皆不言魯得祭地，蓋不祭地也。魯不祭地而注言天地者，以發凡言例。雖因魯史經文，然凡之所論摠包天子及諸國，則凡公嫁女於天子，諸卿皆行及王曰小童之例是也。此凡祀亦摠包天子及諸國，則有祭地之文，故杜連言之。釋例云：凡祀舉郊雩嘗烝，則天神地祇人鬼之祭皆通。其他羣祀不錄可知也。祔祠及地祇，經無其事，故不備言。亦約文以相包也。祔祠之祭過則亦書，但無過時者，故經不書耳。夏小正曰：正月啓蟄，其傳曰：言始發蟄也。故漢氏之始以啓蟄爲正月中雨水爲二月節，及大初以後更改氣名，以雨水爲正月中驚蟄爲二月節，以迄于今，踵而不改。今麻正月雨水，中四月小滿，中八月秋分，中十月小雪，中注皆以此四句爲建寅，建己建酉，建亥之月，則啓蟄當雨水，龍見當小滿，始殺當秋分，閉蟄當小雪，晉世之麻亦以雨水爲正月中，而釋例云：麻法正月節立春，啓蟄爲中氣者，因傳有啓蟄之文，故遠取漢初氣名，欲令傳與麻合其儀三者，不可強同其名，雖則不同，其法理亦不異。故釋例云：案麻法有啓蟄驚蟄，而無龍見，始殺，閉蟄，比

古人所名不同然其法推不得有異傳曰火伏而後蟄者畢此謂十月始蟄也至十一月則遂閉之猶二月之驚蟄既啓之後遂驚而走出始蟄之後又自閉塞也是言啓蟄爲正月中閉蟄爲十月中也注以閉蟄爲十月而釋例云十一月遂閉之者以正月半蟄蟲啓戶二月初則驚而走出十月半蟄蟲始閉十一月初則遂閉之傳稱四者皆舉中氣言其至此中氣則卜此祭次月初氣仍是祭限次月中氣乃爲過時既以閉蟄爲建亥之月又言十一月則遂閉之欲見閉蟄以後冬至以前皆得烝祭也故釋例云孟獻子曰啓蟄而郊郊而後耕耕謂春分也言得啓蟄當卜郊不應過春分也春分以前皆得郊則冬至以前皆得烝也釋例又曰僖公襄公夏四月卜郊但譏其非所宜卜而不譏其四月不可郊也以建卯之月猶可郊知建子之月猶可烝也正由節卻月前未涉後月中氣故耳傳本不舉月爲限而舉候以言者釋例曰凡十二月而節氣有二十四共通三百六十六日分爲四時間之以閏月故節未必恒在其月初而中氣亦不得恒在其月之半是以傳舉天宿氣節爲文而不以月爲正也土功作者不必日月故亦言龍見而畢務戒事也火見而致用水昏正而裁日至而畢此其大準也是言凡候天時皆不以月爲其節有參差故也若周禮不舉天象故以月爲正大司馬職曰中

夏獻禽以享祠中冬獻禽以享烝言四時之祭不得後仲月
非謂孟月不得烝也釋例曰周禮祭宗廟以四仲蓋言其下
限也下限至於仲月則上限起於孟月烝起建亥之月則嘗
起建申之月此言始殺而嘗謂建酉之月亦是下限也若仲
是下限則周之正月得爲烝祭春秋之例得常不書而八年
書正月烝者釋例云經書正月烝得仲月之時也其夏五月
復烝此爲過烝若但書夏五月烝則唯可知其非時故先發
正月之烝而繼書五月烝以示非時並明再烝瀆也然仲月
雖不過時而月節有前有御若使節前月御卽爲非禮此秋
大雩是建午之月耳而傳言不時明涉其中節故譏之釋例
云龍星之體畢見謂立夏之月得此月則當卜祀過涉次節
則以過而書故秋雩書不時此涉周之立秋節也言涉立秋
節者謂涉立秋之月中氣節也過涉次節亦謂中節非初節
也若始涉初節則不譏之矣如此傳注必是建寅之月方始
郊天周之孟春未得郊也禮記明堂位曰魯君孟春乘大輅
載弧韜以祀帝於郊季夏六月以禘禮祀周公於太廟季夏
周之六月卽孟春是周之正月矣又雜記云孟獻子曰正月
日至可以有事於上帝七月日至可以有事於祖七月而禘
獻子爲之如彼記文則魯郊以周之孟春而傳言啓蟄而郊
者禮記後人所錄其言或中或否未必所言皆是正禮襄七

年傳孟獻子曰啓蟄而郊禮記左傳俱稱獻子而記言日至
傳言啓蟄一人兩說必有謬者若七月而禘獻子爲之時應
有七月禘矣烝嘗過則書禘過亦應書何以獻子之時不書
七月禘也是知獻子本無此言不得云禮記是而左傳非也
明堂位言正月郊者蓋春秋之末魯稍僭侈見天子冬至祭
天便以正月祀帝記者不察其本遂謂正月爲常明堂位後
世之書其末章云魯君臣未嘗相弑也禮樂刑法政俗未嘗
相變也春秋之世三君見弑髮而弔士有諫俗變多矣尚云
無之此言旣誣則郊亦難信以此知記言孟春非正禮也鄭
玄注書多用讖緯言天神有六地祇有二天有天皇大帝又
有五方之帝地有崑崙之神又有神州之神大司樂冬至
祭於圜丘者祭天皇大帝北辰之星也月令四時迎氣於四
郊所祭者祭五德之帝大微宮中五帝坐星也春秋緯文耀
鉤云大微宮有五帝坐星蒼帝其名曰靈威仰赤帝曰赤熛
怒黃帝曰含樞紐白帝曰白招拒黑帝曰汁光紀五德之帝
謂此也其夏正郊天祭其所感之帝焉周人木德祭靈威仰
也會無冬至之祭唯祭靈威仰耳唯鄭玄立此爲義而先儒
悉不然故王肅作聖證論引羣書以證之言郊則圜丘圜丘
卽郊天體唯一安得有六天也晉武帝王肅之外孫也秦始
之初定南北郊祭一地一天用王肅之義杜君身處晉朝共

遵王說集解釋例都不言有二天然則杜意天子冬至所祭魯人啓蟄而郊猶是一天但異時祭耳此注直云祀天南郊

不言靈威仰明與鄭異也劉炫云夏正郊龍見而雩龍

天后稷配也冬至祭天圜丘以帝嚳配也龍見而雩見

建巳之月蒼龍宿之體昏見東方萬物始盛待雨而大故祭

天遠為百穀祈膏雨。見賢遍反注同宿音秀為于僞反

疏注龍見至膏雨。正義曰天官東方之星盡為蒼龍之

宿見謂合昏見也雩之言遠也遠為百穀祈膏雨遠者

豫為秋收言意深遠也穀之種類多故詩每言百穀舉成數

也雨之潤物若脂膏然故謂甘雨為膏雨襄十九年傳曰百

穀之仰膏雨是也傳直言雩而經書大雩者賈逵云言大別山川之雩蓋以諸侯雩山川魯得雩上帝故稱大月令云大雩帝用盛樂是雩帝稱大雩也此龍見而雩定在建巳之月而月令記於仲夏章者鄭玄云雩之正當以四月凡周之秋五月之中而旱亦脩雩祀而求雨因著正雩於此月失之矣杜君以為月令秦法非是周典穎子嚴以龍見即是五月釋例曰月令之書出自呂不韋其意欲為秦制非古典也穎氏因之以為龍見五月五月之時龍星已過於見此為強牽天宿以附會不韋之月令非所據而據既以不安且又自違左氏傳稱秋大雩書不時此秋即穎氏之五月而忘其不時之

文而欲以雩祭是言月令不得與傳合也鄭玄禮注云雩之言吁也言吁嗟哭泣以求雨也郊雩俱是祈穀何獨雩為吁嗟旱而脩雩言吁嗟可矣四月常雩於時未旱何當也吁嗟也賈服以雩為遠故杜從之也

始殺而嘗

建酉之月陰氣始殺嘉

疏

注建酉至宗廟。正義曰嘗者

穀始熟故薦嘗於宗廟

嘉穀熟乃為之也詩稱八月其穫獲刈嘉穀在於八月知始

殺為建酉之月陰氣始殺也釋例曰詩蒹葭蒼蒼白露為霜

以證始殺百草也月令孟秋白露降季秋霜始降然則七月

有白露八月露結九月乃成霜時寒乃漸歲事稍成八月嘉

穀熟所薦之物備故以建酉之月薦嘗於宗廟案月令孟秋

農乃登穀天子嘗新先薦寢廟則似七月穀熟矣七月當嘗

祭而云建酉之月乃嘗祭者以上下準之始殺嘗祭實起於

建申之月今云建酉者言其下限然杜獨於嘗祭舉下限者

以秋物初熟孝子之祭必待新物故特舉下限而言之哀十

三年子服景伯謂吳大宰曰魯將以十月上辛有事於上帝

先公季辛而畢彼雖恐吳之辭亦是八月嘗祭之驗也何則

於時會吳在夏公至在秋景伯言然之時秋之初也若嘗在

建申當言九月不應遠指十月知十月是嘗祭之常期周之

十月是建酉之月也建酉是下限耳若節前月卻孟秋物成

亦可以孟秋嘗祭故釋例云周禮四仲月言其下限若建申
得嘗何以釋例又云始殺而嘗謂建酉之月兼殺蒼蒼白露
爲霜又以始殺唯建酉之月者以賈服始殺唯據孟秋不通
建酉之月故釋例破賈服而爲此言也先此則不可十四年
八月乙亥嘗乃是建未之月故注云先其時亦過也

閉蟄而烝

建亥之月昆蟲閉戶萬物皆成可薦

者衆故烝祭宗廟釋例論之備矣。閉必計反又必結反字林方結反烝之承反

疏

注建亥至備矣。正義曰

傳稱火伏而後蟄者畢周禮季秋內火則火以季秋入而孟冬伏昆蟲以孟冬蟄故知閉蟄是建亥之月也。王制云昆蟲未蟄不以火田鄭玄云昆明也明蟲者得陽而生得陰而藏陰陽即寒溫也祭統注云昆蟲謂溫生寒死之蟲也是蟄蟲謂之昆蟲也月令仲春云蟄蟲咸動啓戶始出出言啓戶故蟄言閉戶爾雅釋詁云烝衆也知萬物皆成可薦者衆故名此祭爲烝過則書卜日有吉否過次疏卜日至慢也。正義曰祭必當卜卜有吉否不吉則當改卜次旬則不可期以一日卜不過三故限以一月過涉次月之節則書之以譏其慢。冬淳

于公如曹度其國危遂不復

淳于州國所都城陽淳于縣也國有危難

不能自安故出朝而遂不還。度待洛反復音服後不音者皆同難乃且反。

經六年春正月寔來

寔實也。不言州公者承上五年冬經如曹間無異事省文從可。

知。寔時力反省所景反。

○夏四月公會紀侯于成

成魯地在泰山鉅平縣東。

南 ○秋八月壬午大閱

齊為大國以戎事徵諸侯之。成嘉美鄭忽而忽欲以有功。

為班怒而訴齊魯人懼之故。

疏

大閱。正義曰公狩于郎公狩于禚皆書公大蒐大

以非時簡車馬。閱音悅。

閱不書公者周禮雖四時教戰而遂以田獵但蒐閱車馬未

必皆因田獵田獵從禽未必皆閱車馬何則怠慢之主外作

禽荒豈待教戰方始獵也公及齊人狩于禚乃與鄰國共獵

必非自教民戰以矢魚于棠非教戰之事主為遊戲而斥言

公則狩于郎禚亦主為遊戲故特書公也大蒐大閱國之之

常禮公身雖在非為遊戲如此之類例不書公定十四年大

蒐下比蒲邾子來會公公身在蒐而經不書公知其法所不

書以其國家大事非公私欲故也且比蒲邾問皆舉蒐地此

不言地者蓋在國簡閱未必田獵昭十八年鄭人簡兵大蒐在於城內此亦當在城內。注齊為至車馬。正義曰大閱

之禮在於仲冬今農時闕兵必有所為傳不言其意故注者
原之於時四鄰與魯無怨又竟無征伐之處諸侯戍齊經所
不見而傳說鄭忽怒事於大閔之上及十年鄭與齊衛來戰
于鄆知此大閔是懼鄭忽而畏齊人故以非時簡車馬也

蔡人殺陳佗

佗立踰年不稱爵者篡立未會
諸侯也傳帥在莊二十二年

疏

注佗
立至

二年。正義曰殺陳佗傳無文不言無傳者以傳說
此事在莊二十二年不是全無其事故不言無傳

○九月

丁卯子同生

桓公子莊公也十二公唯子同是適夫人
之長子備用大子之禮故史書之於策不

稱大子者書始生也。適
丁廡反傳同長丁丈反

疏

注桓公至生也。正義曰適
妻長子於法當為大子故以

大子之禮舉之由舉以正禮故史書於策古人之立大子其
禮雖則無文蓋亦待其長大特加禮命如今之臨軒策拜始
生之時未得即為大子也以其備用正禮故書其生未得命
故不言大子也杜云十二公唯子同是適夫人之長子又云
文公哀公其母並無明文未知其母是適以否蓋其父未為
君之前已生縱令是適亦不書也釋例云據公衡之年成公
又非穆姜所生杜此注云子同是適夫人之長子備用大子
之禮故史書之然則雖適夫人之長子不用大子之禮亦不

書也。○冬紀侯來朝。

傳六年春自曹來朝書曰寔來不復其國也

亦承五年冬傳淳于公如曹也言奔則來。○楚武王侵

隨

隨國今義陽隨縣

疏

注隨國至隨縣。正義曰世本隨國姬姓不知始封為誰隨以此年見傳僖二

十年經書楚人伐隨自是以後遂為楚之私屬不與諸侯會同至定四年吳入郢昭王奔隨隨人免之卒復楚國楚人德之使列諸侯哀元年隨侯見經其後不知為誰所滅使遠章求成焉。遠章楚大夫。遠子

委軍於瑕以待之

瑕隨地。瑕下加反

隨人使少師董成

少師隨大夫董正也。少詩照反注及下同後皆倣此

鬬伯比言于楚子曰吾

不得志於漢東也我則使然

鬬伯比楚大夫令尹子文之父

我

張吾三軍而被吾甲兵以武臨之彼則懼而

協來謀我故難問也漢東之國隨爲大隨張

必弃小國

張自侈大也。破皮寄反。下注被甲同。問。廁之問。張緒亮反。注同一音。如字。侈昌氏反。

又式小國離楚之利也少師侈請羸師以張

之

羸弱也。羸劣。追反。注及下同。

熊率且比曰季梁在何益

熊率

且比楚大夫季梁隨賢臣。率音律。且子余反。

鬪伯比曰以爲後圖少師

得其君

言季梁之諫不過一見從隨侯卒當以少師爲計。故云以爲後圖。二年蔡侯鄭伯會于鄧始懼楚楚

于目此遂盛終於抗衡中國故傳。備言其事以終始之。抗苦浪反。

疏

以爲至其君。正義曰言此計今雖無益

以爲在後圖謀也。言季梁之諫不過一見從耳。少師得其君。心君將必用其計。若用少師則此謀必合。故請示弱以希後

日之利

王毀軍而納少師

從伯比之謀

少師歸請追楚

師隨侯將許之

信楚弱也

季梁止之曰天方授楚

楚之羸其誘我也君何急焉臣聞小之能敵

大也小道大淫所謂道忠於民而信於神也

上思利民忠也祝史正辭信也正辭不虛稱君美今民

餒而君逞欲逞快也餒奴罪反餓也祝史矯舉以祭臣不

知其可也詐稱功德以欺鬼神疏楚之先君熊繹始封

於楚在蠻夷之間食子男之地至此君始彊盛威服鄰國似

有天助故云天方授楚○臣聞至可也○正義曰臣聞小國

之能敵大國也必小國得道大國淫辟如是乃得為敵也其

意言隨未有道而楚未為淫辟隨不能敵楚也既言隨未

道更說有道之事道猶道路行不失正名之曰道施於人君

則治民事神使之得所乃可稱為道矣故云所謂道者忠恕

於民而誠信於神也此覆說忠信之義於文中心為忠言中

心愛物也人言為信謂言不虛妄也在上位者思利於民欲

民之安飽是其忠也祝官史官正其言辭不欺誑鬼神是其

信也今隨國民皆飢餓而君快情欲是不思利民是不忠也

祝史詐稱功德以祭鬼神是不正言辭是不信也無忠無信不可謂道小而無道何以敵大君欲敵之臣不知其可也欲

君之下楚也公曰吾牲牲肥腍粢盛豐備何則不信

牲牛羊豕也牲純色完全也腍亦肥也黍稷口粢在器曰盛。牲音全腍徒忽反

諸侯祭用大牢祭以三牲為主知牲為三牲牛羊豕也周禮牧人掌共祭祀之牲牲祭用純色故知牲謂純色完全言毛

體全具也曲禮曰豚曰腍肥肥腍共文知腍亦肥也重言肥腍者古人自有複語耳服虔云牛羊曰肥豕曰腍案禮記豚

亦稱肥非獨牛羊也黍是黍稷之別名亦為諸穀之摠號祭之用米黍稷為多故云黍稷曰黍粢是穀之體也盛謂盛於

器故云在器曰盛對曰夫民神之主也言鬼神之情依民而行是以

聖王先成民而後致力於神故奉牲以告曰

博碩肥腍謂民力之普存也博廣也碩大也謂其畜之

碩大蕃滋也謂其不疾癘蠹也謂其備腍咸

有也

雖告神以博碩肥腍其實皆當兼此四謂民力適完則六畜既大而滋也皮毛無疥癬兼備而無有所闕

○畜吁又反下皆同蓄音煩癩七木反本又作族同蠶力果反說文作燥云癩瘰皮肥也疥音介癩息淺反說文云乾瘍

奉盛以告曰絜粢豐盛謂其三時不害而民

和年豐也

三時春夏秋

奉酒醴以告曰嘉栗旨酒

嘉善也栗謹敬也

謂其上下皆有嘉德而無違心也所

謂馨香無譏慝也

馨香之遠聞○慝他得反聞音問又如字

故務其三

時脩其五教

父義母慈兄友弟恭子孝

親其九族以致其禋

祀

禋絜敬也九族謂外祖父外祖母從母子及妻父妻母姑之子姊妹之子女子之子并已之同族皆外親有服

而異族者也○九族杜釋與孔安國鄭玄不同禋音因

於是乎民和而神降之

福故動則有成今民各有心而鬼神乏主

民饑

餒也。君雖獨豐其何福之有君姑脩政而親
饑音飢

兄弟之國庶免於難隨侯懼而修政楚不敢

伐疏夫民至於難。正義曰鬼神之情依人而行故云夫
民神之主也以民和乃神說故聖王先成其民而後

致力於神言養民使成就然後致孝享由是告神之辭各有
成百姓之意祭之所用有牲有食有酒耳聖人文飾辭義為

立嘉名以告神季梁舉其告辭解其告意故奉牲以告神曰
博碩肥腍者非謂所祭之牲廣大肥充而已乃言民之畜產

盡肥充皆所以得博碩肥腍者由四種之謂故又申說四種
之事四謂者第一謂民力普徧安存故致第二畜之碩大滋

息民力普存所以致之者由民無勞役養畜以時故六畜碩
大蕃多滋息民力普存又致第三不有疾病疥癬所以然者

由民力普存身無疲苦故所養六畜飲食以理歸刷依法故
皮毛身體無疥癬疾病民力普存又致第四備腍咸有所以

然者由民力普存人皆逸樂種種養畜羣牲備有也奉盛以
告神曰絜粢豐盛者非謂所祭之食絜淨豐多而已乃言民

之糧食盡豐多也言豐絜者謂其春夏秋三時農之要節為
政不害於民得使盡力耕耘自事生產故百姓和而年歲豐

也奉酒禮以告神曰嘉粟旨酒者非謂所祭之酒粟善味美而已乃言百姓之情上下皆善美也言嘉旨者謂其國內上下羣臣及民皆有善德而無違上之心若民心不和則酒食腥穢由上下皆善故酒食馨香非言酒食馨香無腥臙臭穢乃謂民德馨香無讒諛邪惡也所謂馨香撝上三者由是王者將說神心先和民志故務其三時使農無廢業脩其五教使家道協和親其九族使內外無怨然後致其絜敬之祀於神明矣於是民俗大和而神降之福故動則有成戰無不克今民各有心或欲從主或欲叛君不得爲無違上之心而鬼神之主百姓飢餓民力彫竭不得爲年歲豐也民既不和則神心不說君雖獨豐其何福之有神所不福民所不與以此敵大必喪其師君且修政撫其民人而親兄弟之國以爲外援如是則庶幾可以免於禍難也告牲肥碩言民畜多告案豐絜言民食多告酒嘉旨不言民酒多而言民德善者酒之與食俱以米粟爲之於盛已言年豐故於酒變言嘉德重明民和之意。注雖告至所闕。正義曰劉炫云杜以博碩肥腍據牲體而言季梁推此出理嫌其不定故云其寔皆當兼此四謂又民力普存非畜之形貌而季梁以之解情又申之民力適完則得生養六畜故六畜旣大而滋息也博碩言其形狀大蕃滋言其生乳多碩大蕃滋皆複語也瘠蠶畜之小

病故以爲疥癬之疾也不疾者猶言不患此病也。○注嘉善至敬也。○正義曰嘉善釋詁文也杜訓栗爲謹敬言善敬爲酒案詩實穎實栗與田事相連故栗爲穗貌此栗與嘉善旨酒相類故栗爲謹敬之心卽論語云使民戰栗與此相似劉炫以栗爲穗貌而規杜過於理恐非。○注父義至子孝。○正義曰父母於子並爲慈但父主教訓母主撫養撫養在於恩愛故以慈爲名教訓愛而加教故以義爲稱義者宜也教之義方使得其宜弟之於兄亦宜爲友但兄弟相敬乃有長幼尊卑故分出其弟使之爲共言敬其兄而友愛。○注禮繫至族者也。○正義曰釋詁云禮敬也故以禮爲繫敬隱十一年注云繫齊以享謂之禮意亦與此同也漢世儒者說九族有二異義今禮戴尚書歐陽說九族乃異姓有屬者父族四五屬之內爲一族父女昆弟適人者與其子爲一族己女昆弟適人者與其子爲一族己之女子適人者與其子爲一族母族三母之父姓爲一族母之母姓爲一族母女昆弟適人者與其子爲一族妻族二妻之父姓爲一族妻之母姓爲一族麻古尚書說九族者從高祖至玄孫凡九皆同姓謹案禮總麻三月以上恩之所及禮爲妻父母有服明在九族中九族不得但施於同姓鄭駁云立之聞也婦人歸宗女子雖適人字猶繫姓明不得與父兄爲異族其子則然婚禮請期辭曰

唯是三族之不虞欲及今三族未有不億度之事而迎婦也
如此所云三族不當有異姓異姓其服皆總禮雜記下總麻
之服不禁嫁女取婦是為異姓不在族中明矣周禮小宗伯
掌三族之別名喪服小記說族之義曰親親以三為五以五
為九以此言之知高祖至玄孫昭然察矣是鄭從古尚書說
以九族為高祖至玄孫也此注所云猶是禮戴歐陽等說以
鄭玄駁云女子不得與父兄為異族故簡去其母唯取其子
以服重者為先耳其意亦不異也不從古學與鄭說者此言
親其九族詩刺不親九族必以九族者疏遠恩情已薄故刺
其不親而美其能親耳高祖至父已之所稟承也子至玄孫
已之所生育也人之於此誰或不親而美其能親也詩刺棄
其九族豈復上遺父母下棄子孫哉若言棄其九族謂棄其
出高祖出曾祖者然則豈亦棄其出曾孫出玄孫者乎又鄭
玄為昏必三十而娶則人年九十始有曾孫其高祖玄孫無
相及之理則是族終無九安得九族而親之三族九族族名
雖同而三九數異引三族以難九族為不相值矣若緣三及
九則三九不異設使高祖喪玄孫死亦應不得為昏禮何不
言九族之不虞也以此知九族皆外親有服而異族者也不

○夏會于成紀來諮謀齊難也

齊欲滅紀故來謀之○難乃旦反下

同 ○北戎伐齊齊使乞師于鄭鄭大子忽帥

師救齊六月大敗戎師獲其二帥大良少良

甲首三百以獻於齊甲首被甲者首。帥所類反少詩照反於是諸

侯之大夫戍齊齊人饋之餼生曰餼。饋其媿反遺也餼許既反牲腥

日使魯為其班後鄭班次也魯親班齊饋則亦使大夫戍齊矣經不書蓋史闕文

一疏注班次至闕文。正義曰劉炫云在戍受饋而使魯為班明魯人在矣襄五年戍陳書經此戍齊亦宜書今不

書經疑史闕文以史策本闕仲尼不得書之十年說此云北戎病齊諸侯救之或可魯亦往救但傳無魯事之驗魯必不

救不須鄭忽以其有功也怒故有郎之師郎師在

解之公之未昏於齊也齊侯欲以文姜妻鄭大子

忽大子忽辭人問其故大子曰人各有耦齊

大非吾耦也詩云自求多福

詩大雅文王言求福由己非由人也。妻

七計反下及注同

在我而已大國何為君子曰善自為

謀

言獨纂其身謀不及國

及其敗戎師也齊侯又請妻之

欲以佗女妻之

固辭人問其故大子曰無事於齊吾猶

不敢今以君命奔齊之急而受室以歸是以

師昏也民其謂我何

言必見怪於民

遂辭諸鄭伯

假父之命

以為斷為十一年鄭忽出奔衛傳

○秋大閱簡車馬也○九月丁

卯子同生以大子生之禮舉之接以大牢

大牢

牛羊豕也以禮接夫人重適也。接如字鄭注禮記作捷讀此者亦或捷音

疏

注大牢至適也正義曰大牢牢

之大者三牲牛羊豕具為大牢儀禮少牢饋食之禮以羊豕為少牢以此多少稱大小也詩公劉曰執豕于牢周禮充人

享繫祭祀之牲牲祀五帝則繫于牢芻之二月是牢者養牲之處故因以為名鄭立詩箋云繫養曰牢是其義也禮記內則曰國君世子生告于君接以大牢文在三日負子之上則三日之內接之矣記云凡接子擇日鄭云雖三日之內必選其吉焉是三日之內擇日接之為子接母故記稱接子此傳舉之之下即云接以大牢亦以接子為文其寔接母故云以禮接夫人重適也鄭立云接讀為捷捷勝也謂食其母使補虛強氣也此言以禮接之則與鄭異也內則又云接子庶人特豚士特豕大夫少牢國君世子大牢其非冢子則皆降等

卜士負之士妻食之

禮世子生三日卜士負之射人以桑弧蓬矢射天地四方卜士之妻為乳母。食音嗣弧音胡蓬步工反射天地食亦反注禮世至乳母。正義曰四方以上皆內則文也內則又云卜士之妻大夫之妾使食子食謂乳也故以乳母言之鄭立云桑弧蓬矢本太古也天地四方男子所有事也士妻大夫之妾謂時自有子者定本直云射四方無天地案禮云桑弧蓬矢六今無天地誤也賈逵云桑者木中之眾蓬者草中之亂取其長大統眾而治亂

公與文

姜宗婦命之

世子生三月君夫人沐浴於外寢立於阼階西鄉世婦抱子升自西階君命之乃降

蓋同宗之婦

疏

注世子至之婦。正義曰乃降以上皆內。則文也。鄭玄云子升自西階則人君見世。

○昨才故反。子於路寢也。見妾子就側室。凡子生皆就側室。以其生於側室。見於路寢。故從外而升階也。襄二年葬齊姜。傳曰齊侯使諸姜宗婦來送葬。諸姜是同姓之女。知宗婦是同宗之婦也。公與夫人共命之。故使宗婦侍夫人。公問名。

於申繻對曰名有五有信有義有象有假有

類

申繻魯大夫。繻音須。

以名生為信

若唐叔虞魯公子友

以德命為

義

若文王名昌武王名發

疏

注若文至名發。正義曰周本紀稱大王見季麻生昌有聖瑞乃言曰我世

當有與者其在昌乎則是大王見其有瑞度其當與故名之曰昌。欲令昌盛周也。其度德命發則無以言之。服虔云謂若大王度德命文王曰昌。文王命武王曰發。似其有舊說也。舊說以為文王見武王之生以為必發兵誅暴故名曰發。以

類命為象

若孔子首象尼丘

疏

注若孔至尼丘。正義曰孔子世家云叔梁紇與顏氏禱

於尼丘得孔子。孔子生而首上圩頂。取於物為假。若伯魚生。故因名曰丘。字仲尼。是其象尼丘也。

人有饋之魚因名之曰鯉。鯉音里。疏注若伯至曰鯉。正義曰家語本姓

歲而生伯魚伯魚生魯昭公以鯉魚賜孔子孔子榮君之賜

因名子曰鯉字伯魚此注不言昭公賜而云人有饋之者如

家語則伯魚之生當昭公九年昭公庸君孔子尚少未必

能尊重聖人禮其生子取其意而遺其人疑其非昭公故取

於父為類。若子同生有。不以國。國君之子不自。疏

注國君至名也。正義曰下云以國則廢名以國不可易須

廢名不諱若以他國為名則不須自廢名也且春秋之世晉

侯周衛侯鄭陳侯吳衛侯晉之徒皆以他國為名以此知不

以國者謂國君之子不得自以本國為名不以山川者亦謂

不

以官不以山川不以隱疾

隱痛疾患

疏

注隱痛

正義曰鄭玄云隱疾衣中之疾也謂若黑臀黑肱矣疾在外者雖不得言尚可指摘此則無時可辟俗語云隱疾難為醫

案周語單襄公曰吾聞成公之生也其母夢神規其臀以黑曰使有晉國故命之曰黑臀此與叔虞季友復何以異而云

不得名也且黑臀黑肱本非疾病以證隱疾非其類也詩稱如有隱憂是隱為痛也以痛疾為名則不祥之甚故以為辟

不祥不以畜牲

疏

注畜牲六畜。正義曰爾雅釋畜於馬牛羊豕狗雞之下題曰

六畜故鄭眾服虔皆以六畜為馬牛羊豕犬雞周禮牧人掌牧六牲鄭玄亦以馬牛等六者為之然則畜牲一物養之則

為畜共用則為牲故

不以器幣

疏

注幣玉帛。正義曰周禮

小行人合六幣圭以馬璋以皮璧以帛琮以錦琥以繡璜以黼然則幣玉帛者謂此圭璋璧琮帛錦繡黼之屬也以幣以

幣為玉帛則器者非徒玉器服虔以為為名也

周人以諱事神

名終將諱之

君父之名固非臣子所斥然禮既卒哭以木鐸徇曰舍故而諱新謂舍親盡之祖而

諱新死者故言以諱事神名終將諱之自父至高祖皆不敢
斥言。○周人以諱事神名絕句。衆家多以名字屬下句。鐸詩
洛反。徇似俊反。本又疏周人至諱之。○正義曰：自殷以往
作殉同舍音捨下同。未有諱法。諱始於周。周人尊神之
故爲之諱。名以此諱。法敬事明神。故言周人以諱事神。子生
三月爲之立名。終久必將諱之。故須豫有所辟。爲下諸廢張
本也。終將諱之。謂死後乃諱之。○注君父至斥言。○正義曰
君父之名固非臣子所斥。謂君父生存之時。臣子不得指斥
其名也。禮稱父前子名。君前臣名。鄭玄云：對至尊無大小皆
相名。是對父則弟。可以名兄。對君則子。可以名父。非此則不
可也。文十四年傳曰：齊公子元不順懿公之爲政也。終不曰
公曰夫已氏。注云：猶言某甲是斥君名也。彼以不順故斥其
名。知平常不斥君也。成十六年傳曰：欒書將載晉侯。鍼曰：書
退國有大任焉。得專之。注云：在君前。故子名其父。彼以對君
故名其父。知平常不斥父也。雖不斥其名。猶未是爲諱。曲禮
曰：卒哭乃諱。鄭玄云：敬鬼神之名也。諱辟也。生者不相辟名。
衛侯名惡。大夫有石惡。君臣同名。春秋不非是其未爲之諱。
故得與君同名。但言及於君。則不斥君名耳。旣言生已不斥
死。復爲之加諱。欲表爲諱之節。故言然以形之禮。旣卒哭以
木鐸。徇曰：舍故而諱新。自寢門至於庫門。皆禮記檀弓文也。

既引其文更解其意謂舍親盡之祖而諱新死者也親盡謂高祖之父服絕廟毀而親情盡也卒哭之後則以鬼神事之故言以諱事神又解終將諱之所諱世數自父上至高祖皆不敢斥言此謂天子諸侯禮也曲禮曰逮事父母則諱王父母不逮事父母則不諱王父母鄭立云此謂庶人適士以上廟事祖雖不逮事父母猶諱祖以其立廟事之無容不爲之諱也天子諸侯立親廟四故高祖以下皆爲諱親盡乃舍之既言以諱事神則是神名必諱文王名昌武王名發詩離禘大祖祭文王之廟也其經曰克昌厥後周公制禮醢人有昌本之菹七月之詩周公所作經曰一之日臧發烝民詩曰四方爰發皆不以爲諱而得言之者古人諱者臨時言語有所辟耳至於制作經典則直言不諱曲禮曰詩書不諱臨文不諱是爲詩爲書不辟諱也由作詩不諱故祭得歌之尚書牧誓云今子發武成云周王發武王稱名告眾史官錄而不諱知於法不當諱也金縢云元孫某獨諱者成王啓金縢之書親自讀之諱其父名曰改爲某既讀之後史官始錄依王所讀遂卽云某武成牧誓則宣諸眾人宣訖則錄故因而不改也古者諱名不諱字禮以王父字爲氏明其不得諱也屈原云朕皇考曰伯庸故以國則廢名國不可易疏注國是不諱之驗也故以國則廢名故廢名不至

廢名。正義曰國名受之天子不可輒易若以國為名終卒之後則廢名不諱若未卒之前誤以本國為名則改其所名晉之先君唐叔封唐變父稱晉若國不可易而晉得改者蓋王命使改之

川則廢主

改其山川之名

疏

注改其山川之名。正義曰廢主謂廢其所主山川之名不廢

其所主之祭知者漢文帝諱恒改比嶽為常山諱名不廢嶽是也劉炫云廢主謂廢其所主山川不復更得其祀故須改其山川之名魯改二山是其事也

以畜牲則廢祀

名豬則廢豬名羊則廢羊

以器

幣則廢禮晉以僖侯廢司徒

僖侯名司徒廢為申軍

疏

廢祀

廢禮。正義曰祀以牲為主無牲則祀廢器幣以行禮器少則禮闕祀雖用器少一器而祀不廢且諸禮皆用器幣故以廢禮

宋以武公廢司空

武公名司空廢為司城

先君獻武

廢一一山

二山具敖也魯獻公名具武公名敖更以其鄉名山。敖五羔反

疏

注二山至名山。正義曰晉語云范獻子聘於魯問具敖之山魯人以其鄉對獻子曰不為具敖乎對曰先君獻武之諱也是其以鄉名山也

禮稱舍故而諱新親盡不復更諱計獻子聘魯在昭公之世
獻武之諱久已舍矣而尚以鄉對者當諱之時改其山號諱
雖已舍山不復名故依本改名以其鄉對猶司徒司空雖歷
世多而不復改名也然獻子言之不為失禮而云名其二諱
以自尤者禮入國而問禁入門而問諱獻子入魯不問故以之為慙耳

命公曰是其生也與吾同物命之曰同

物類也謂

同疏

注物類也謂同日。正義曰魯世家云桓公六年夫人生子與桓公同日故名之曰同是知同物為同日

也言物類者辨此以為類命也

○冬紀侯來朝請王命以求成于

齊公告不能

紀微弱不能自通於天子欲囚公以請王命公無寵於王故告不能

附釋音春秋左傳注疏卷第六



春秋左傳注疏卷六按勘記

阮元撰盧宣旬摘錄

附釋音春秋左傳注疏卷第六

桓三年盡六年宋本春秋正義卷第六

經三年

以王法終治桓之事

案終下當有始字岡本監本毛本亦無穀梁注疏本並脫

又哀十三年十二月螽

宋本三作二非也

其年王室方定

監本毛本定作亂案昭廿三年天王居于狄泉自是以後居無定所至廿六年王子朝奔楚始得入于成周遂定成周以為都監毛本作亂非也

是周司麻也魯司麻也

案也當讀為耶如荀子其求物也養生也浦鐘改作非魯誤

哀十三年十二月螽

宋本三作二

而以自食為文

岳本文下有者字

傳三年

至河東汾陽縣入河

宋本作汾陰案水經注云漢書謂之汾陰肸即其地也

駢駢翼翼是也

禮記駢駢作匪匪此因鄭注匪讀如四牡駢駢遂改作駢

故并見獲而死

毛本死作免非也

齊侯送姜氏

釋文云本或作送姜氏于灌水經注汶水篇引傳文作齊侯送姜氏于下謹

齊侯送姜氏本或作送姜氏于謹公子則下卿送公子公

女 此二十三字乃釋文闕本監本毛本誤作注

冬齊仲年來聘致夫人也

足利本仲年上補夷字非也

世本芮魏皆姬姓

諸本作姓此誤作如今訂正

經四年

皆無違矣

浦鐘正誤矣作失

則狩于禚

監本禚作禚非後同

則犯害去白

閩本監本毛本去白作民物亦非宋本作居民。今依宋本

傳四年

故書時合禮

岳本書作唯非陳樹華云天放菴翻岳本改作書不誤

駁出合禮

宋本毛本作合理

以時合禮地非禮也

宋本地上有知字毛本合禮作合理非

經五年

下文周公如曹

宋本周作州不誤

魯出朝聘例言如

宋本監本毛本例下有亦字

楊雄方言云

宋本毛本楊作揚非也案廣韻揚字下不言姓楊字注云姓出宏農天水二望漢書

本傳云其先食采於楊因氏焉

春黍謂之蚣蝮

監本春作舂非下同

陸機毛詩疏云

宋本機作璣非

其股狀如瑋瑁又

浦鐘正誤又作文案廣雅疏證引作文段玉裁曰此當作义义者今之釵

字或爲又或爲文皆非也

爲下實來書也

宋本作寔來與傳合

地理志

宋本志下有云字

傳五年

民莫有鬪心

陳樹華云石經凡鬪字俱作鬪非是

不能相枝持也

毛本枝作支文選李善注魏文帝與吳質書引杜注亦作支

高渠彌

史記秦本紀作高渠昧

爲魚麗之陳

後漢書劉表傳注引傳文作魚麗集韻云魚麗陣名通作麗

旛動而鼓

葉抄釋文旛作檜諸本皆作旛正義云旛字從旡旛旗之類

又旛字從於旛旗之類

宋本作從旡不誤○今依訂正下說文載之旡部同

周禮司常通帛爲旛

宋本作通帛爲旛是也○今依訂正

衆屬軍史無所將

宋本史作吏不誤○今依訂正

發其機以追敵

宋本亦作追閩本監本毛本作礎其機諸本作以機

況敢陵天子乎

監本毛本陵誤凌

言鄭志在苟免王討之非也

足利本後人記云非異本作罪

此爲因有告命之例

毛本爲作謂非

蕭叔大心

諸本作心此本誤以今訂正

仍叔之子

石經子字下增來聘二字非唐刻也

譏其夏至而秋末反也

監本末誤來

則秋末爲末

閩本監本毛本未誤末

言凡祀通下三句

毛本祀誤事

然凡之所論摠包天子及諸國

閩本監本毛木子作地

比古人所名不同

閩本監本毛本比誤此

非謂孟月不得蒸也

閩本監本毛本蒸作烝宋本作祭是也

而傳言不時涉其中節

宋本節作氣

嗟鄭元立此爲義

案文獻通考祀后土明引作立爲此義

遠爲百穀祈膏雨

論語先進正義引杜注云雩之言遠也遠爲百穀祈膏雨也按邢氏所引爲完

雩之言遠者凡從于之字有迂遠之義也

凡周之秋五月之中而早

諸本作五月惠棟按本作三月按依月令注作三是也秋

三月三字連讀謂夏正之五月六月七月

此爲強牽天宿以附會不韋之月令

宋本不韋上有呂字

何當也吁嗟也

上也字闕本監本毛本作言宋本作已

故烝祭宗廟

纂圖本烝作蒸非

經六年

不言州公者承上五年冬經如曹

監本年誤筆

夏四月公會紀侯于成

陸氏穀梁音義曰左氏作杞侯陳樹華云三年書公會紀侯於郟此作紀

侯疑傳寫之誤

國之之常禮

閩本監本毛本國之之作國家之宋本作國之常禮是也

而傳說鄭忽怒事於大閱之上

監本鄭誤郎

篡立未會諸侯也

淳熙本無也字足利本後人說云立異本作位

傳例在莊二十二年

宋本無例字是也

不稱太子者書始生也

案禮記內則正義引作不云世子書始生

傳六年

書曰寔來

詩韓奕正義云春秋桓六年州公寔來而左傳作實來惠棟云寔當作實石經傳作寔宋本同誤也

陳樹華云案傳解經不容立異且公羊穀梁皆作寔來寔訓是是杜注乃云寔實也詩正義似未足據非也案錢大昕云

孔氏所據乃服虔本非杜本也。覲禮伯父實來注。今文實作寔。寔是實即寔之古文。春秋公羊穀梁爲今文。左氏爲古文。故二傳作寔。來左氏作實來。杜氏改從二傳。失古文之舊矣。

故變文言實來

岳本纂圖本閩本監本毛本實作寔

楚人德之

毛本德誤得

彼則懼而協來謀我

石經宋本淳熙本岳本纂圖本監本毛本來作以不誤

必弃小國

岳本前後皆作弃雅此處作棄非

楚之羸

顧炎武云石經羸誤作羸案顧炎武所據乃謬刻石經此處別闕

天方授楚

宋本此節正義在君何急焉之下

○臣聞至可也

宋本○作疏此節正義在注詐稱功德以欺鬼神之下

今隨國民皆飢餒

閩本監本毛本作饑餒非

桑盛豐備

案惠棟云禹廟殘碑作資盛說文作齋云稷也又云齋或從次作桑字按凡經典言桑盛皆桑盛之

誤齋齋桑三字古通用為祭祀之黍稷資桑二字同用為馬禮之粉資不知何時淆亂而莫有正之者

是以聖王先成民而後致力於神

毛本民誤名詩旱麓篇思齊篇正義引傳文民上並

有於字

謂民力之普存也

詩我將篇正義引傳文謂下有其字

謂其不疾族蠶也

釋文云族本又作族同蠶葉抄釋文引說文作桑云族蠶皮肥也錢大昕云說文占

部蠶字注云畜產疫病也此族蠶之正字蠶蠶聲相近故假借為蠶耳族亦俗字當為族六畜之疫曰族蠶或作族桑桑

蠶亦聲相近

絜桑豐盛

後漢書列女傳注引傳文絜作潔

兄友弟恭

宋本淳熙本恭作共

裡絜敬也

岳本無也字足利本後人記云裡下異本有祀字

并己之同族

纂圖本閩本監本毛本并誤非

民饑餒也

釋文亦作饑宋本足利本作飢

夫民至於難

宋本作對曰夫民至於難閩本監本毛本夫誤今

百姓飢餒

閩本監本毛本飢作饑

季梁推此出理

宋本閩本監本毛本作推出此理

嫌其不寔故云其寔皆當兼此四謂

宋本寔並作實是也

但兄弟相敬

宋本新作於

言敬其兄而友愛

浦鏗止誤云友愛下疑脫其第二字

尚書歐陽說九族乃異姓有屬者

宋本乃作反詩葛藟正義引屬上有親字

異姓其服皆總

宋本總下有麻字

周禮小宗伯掌三族之別名

閩本監本毛本別作列非浦鏗云名字衍

夏會于成

山井鼎云足利本後人記云成作邨

齊使乞師于鄭

石經宋本淳熙本岳本纂圖本齊下有侯字山井鼎云足利本後人記云異本作齊侯使

人各有耦

文選沈休文奏彈王源注引作人各有偶案耦偶正俗字

接以大牢

釋文接如字鄭注禮記作捷讀此者亦或捷音案爾雅釋詁接捷也

以牲多少稱大小也

閩本監本毛本作大小非也

其寔接母

宋本寔作實不誤

則皆降等

宋本降下有一字

射天地四方

宋本淳熙本足利本無天地二字與定本合孔冲遠云今天地無誤也

立於阼階西鄉

山井鼎云足利本後人記邳鄉異本作向案經傳鄉背字多作鄉不作向也

對曰名有五

石經名有二字初作日名有三字後改刊

以名生為信

論衡詰術篇生字在名字上按以生名以德名以類名語言一例論衡為長

以德命為義

論衡作德名案命名古同聲同義

以類命為象

顧炎武云石經類誤德案石經類字殘闕右角尚可辨顧炎武所據乃謬刻

若孔子首象尼丘

盧文弨按本云禮記曲禮正義引孔子作仲尼

孔子生而首上圩頂

案史記孔子世家作圩頂索隱謂圩音烏窠也故孔子頂若反字

娶於宋并官氏

監本毛本并作并宋本作并段玉裁云作并與漢禮器碑合

取其意而遺其人

毛本遺作疑非

謂廢主謂廢國內之所主

宋本無謂廢主三字是也

鄭元亦以馬牛等六者爲之 浦鐘正誤爲疑當字誤

以幣以幣爲玉帛 宋本以幣字不重是

周人以諱事神名終將諱之 釋文以周人以諱事神名絕句云衆家多以名字屬下句陳樹

華云淮南子曰祝則名君高誘注云周人以諱事神書盤庚正義引亦

也詩公劉正義引王基曰周人以諱事神書盤庚正義引亦

以神字絕句禮記曲禮鄭注引春秋傳曰名終將諱之武進

滅琳經義雜記云名終將諱之者即曲禮所謂卒哭乃諱是

以木鐸徇曰 釋文亦作徇又云本又作殉同纂圖本闕本監本毛本誤作狗下同

不復更得其祀 宋本其作共

名豬則廢豬 監本毛本豬作猪非

廢爲中軍 纂圖本軍下增也字非

更以其鄉名山 足利本後人記云名山下異本有者也二字

附釋音春秋左傳注疏卷第七

桓七年盡十八年

杜氏注

孔穎達疏

經七年春二月己亥焚咸丘

無傳焚火田也咸丘魯地高平鉅野縣南

有成亨譏盡物故

疏

注焚火至故書。正義曰咸丘地名以火焚地明為田獵故知焚是火田

書。焚扶云反

也不言蒐狩者以火田非蒐狩之法而直書其焚以譏其盡

物也釋例曰咸丘魯地非蒐狩常處經不言蒐狩但稱焚咸

丘言火田盡物非蒐狩之義是言火田非狩法故不書狩狩

既非法雖得地亦譏不復譏其失地地咸丘知地亦非也禮

記王制云昆蟲未蟄不以火田則是已蟄得火田也又爾雅

釋天云火田為狩似法得火田而譏其焚者說爾雅者李巡

孫炎皆云放火燒草守其下風周禮羅氏蠲則作羅禡鄭云

禡細密之羅此時蟄者畢矣可以羅罔圍取禽也今俗放火

張羅其遺教然則彼火田者直焚其一叢一聚羅守下風非

謂焚其一澤也禮天子不合圍諸侯不掩羣尚不盡取一羣

豈容并焚一澤知其譏盡物故書也沈氏以周禮仲春火弊

謂夏之仲春今周之二月乃夏之季冬故譏其盡物義亦通

也
○夏穀伯綏來朝唯反
○鄧侯吾離來朝不

稱朝者各自行朝禮也穀國
在南鄉筑陽縣北。筑音竹

傳七年春穀伯綏來朝名賤之也辟陋小

禮不足故書名以春來夏乃行朝禮國賤之

故經書夏。辟匹亦反本又作僻同正義曰傳直云賤

之不言賤意以穀鄧是南方諸侯近楚小國明以辟陋小國

故賤之也賤之者以其朝禮不足故書名也曲禮云諸侯不

生名今生書其名欲比之附庸但實非附庸故仍書其爵介

葛盧言來不言朝全不能行朝禮此則行朝禮但禮不足耳

傳在春經在夏經書實朝之日故春來至夏乃書之世本鄧

為曼姓莊十六年楚文王滅之穀則不知何姓是誰滅之服

注云穀鄧密邇於楚不親仁善鄰以自固卒為楚所滅无同

好之救桓又有弑賢兄之惡故賤而名之衛冀隆難杜云傳

曰要結外援好事鄰國以衛社稷又云服於有禮社稷之衛

穀鄧在內地屬衡岳以越棄彊楚遠朝惡人卒至滅亡故書

名以賤之杜駁論先儒自謂一準丘明之傳今僻陋之語傳

本無文杜何所準馮知其僻陋傳又稱莒之僻陋而經無貶

文穀鄧辟陋何以書名此杜義不通秦道靜釋云杞桓公來朝用夷禮故曰子杞文公來盟傳云賤之明賤其行夷禮也然則穀鄧二君地接荆蠻來朝書名明是賤其辟陋也此則傳有理例故杜據而言之若必魯桓惡人不合朝聘何以伯糾來聘譏其父在仍叔之子譏其幼弱又魯班齊饋春秋所善美魯桓之有禮責三國之來伐而言遠朝惡人非其辭也

○夏盟向求成于鄭既而背之盟向二邑名隱十一年王以與鄭故

求與鄭成。盟音孟。注盟向至鄭成。正義曰此盟向

向傷亮反背音佩。**疏**之邑必有主據之言求成于鄭是

主求成也隱十一年王以與鄭傳稱王不能有然則鄭雖得

之亦不能有故今始求成既而背之是背鄭歸王故王遷于

鄭若主不歸王則○秋鄭人齊人衛人伐盟向王

王無由得遷之也。

遷盟向之民于鄭鄭王城。○冬曲沃伯誘晉

小子侯殺之曲沃伯武公也。小子侯哀侯子

經八年春正月己卯烝無傳此夏之仲月非為過而書者為下五月復烝見

續也例在五年。○烝之承反夏戶雅

反為下于偽反復扶又反見賢遍反

難杜云上五年閉蟄而烝謂十月此正月烝則是過時而烝

春秋有一貶而起二事者若武氏子來求聘一責天王求聘

二責魯之不共此正月烝一責過時二責見續何為不可而

云非為過時者秦氏釋云案周禮四時之祭皆用四仲之月

此正月則夏之仲冬何為不得烝而云過時

也又傳無過時之文明知直為再烝而瀆也

父來聘無傳家父天子大夫家氏父字○夏五月丁丑烝無傳○秋

伐邾無傳○冬十月雨雪無傳今八月也書時失。雨于付反○祭公

來遂逆王后于紀祭公諸侯為天子三公者王使魯主昏故祭公來受命而迎也天子

無外故因稱王后卿不書疏注祭公至略輕。正義曰隱

舉重略輕。祭側界反元年云祭伯今而稱公知其

為天子三公公羊亦云祭公者何天子之三公也從周向紀

不由魯國縱令因使過魯自當假道而去不須言來也凡言

遂者因上事生下事之辭既書其來又言遂逆是先來見魯

君然後向紀知王使魯主昏故祭公來受魯命而往迎也凡

昏姻皆賓主敵體相對行禮天子嫁女於諸侯使諸侯為主
令與夫家爲禮天子聘后於諸侯亦使諸侯爲主與后家
爲禮嫁女則送女於魯令魯嫁女與人迎后則令魯爲上使
魯遣使往逆改祭公受魯命也嫁王女者王姬至魯而後至
夫家其王后昏后不來至魯者以王姬至魯待夫家之逆以
爲禮故須至魯后則王命已成於魯無事故卽歸京師於逆
稱王后舉其得王之命后禮已成於魯稱季姜申父母之尊
言子尊不加於父母從父母之家而將歸於王據父母之家
爲文故於歸申父母之尊也公不獨行必有卿從卿不書舉
重略輕也知非卿不行者以傳云禮也釋例曰襄十五年劉
夏逆王后子齊傳曰卿不行非禮也知祭公如紀時亦有卿
卿不書舉重略輕猶鞌郟之戰唯書郤克林父此天子使公
卿之文是杜約彼文知公行必卿從也異義公羊說天子至
庶人皆親迎左氏說王者至尊無敵體之義不親迎鄭立駁
之曰文王親迎於渭濱卽天子親迎也天子雖尊具於后則
夫婦也夫婦判合禮同一體所謂無敵豈施於此哉禮記哀
公問曰冕而親迎不已重乎孔子對曰合二姓之好以繼先
聖之後以爲天地之主非天子則誰乎是鄭以天子當親迎
也此注之意猶以爲天子不親迎者以此時祭公迎后傳言
禮也劉夏逆后譏卿不行皆不譏王不親行明是王不當親

也文王之迎大妣身為公子迎在殷世未可據此以為天子禮也孔子之對哀公自論魯國之法魯周公之後得郊祀上帝故以先聖天地為言耳其意非說天子禮也且鄭玄注禮自以先聖為周公及駁異義則以為天子二三其德自無定矣

傳八年春滅翼曲沃滅之。隨少師有寵楚鬬伯

比曰可矣讎有釁不可失也釁瑕隙也無德者寵國之釁也○釁許觀

反注夏楚子合諸侯于沈鹿沈鹿楚地黃隨不會黃

今弋陽縣使弋餘職反遂章讓黃責其不會楚子伐隨軍於

漢淮之間季梁請下之弗許而後戰下之請服也○下趨

嫁反疏漢淮之間正義曰漢淮二水名漢淮之間漢北淮南禹貢云嶧冢導漾東流為漢又東為滄浪之水

水過三澨至于大别南入于江孔安國云泉始出山為漾水東南流為沔水至漢中東行為漢水釋例曰漢一名沔水出

武都沮縣東經漢中魏興至南陽東南經襄陽至江夏安陸縣入江禹貢又云導淮自桐柏東會于泗沂東入于海釋例

曰淮出義陽平氏縣桐柏山東北經汝陰
淮南譙國沛國下邳至廣陵縣入海也
所以怒我而

怠寇也少師謂隨侯曰必速戰不然將失楚

師隨侯禦之望楚師適見楚師○將失楚師一本無師字季梁曰楚

人上左君必左君楚君也無與王遇且攻其右右

無良焉必敗偏敗眾乃攜矣少師曰不當王

非敵也弗從不從季梁謀戰于速杞隨師敗績隨

侯逸速杞隨地逸逃也鬬丹獲其戎車與其戎右少師

鬬丹楚大夫戎車君所乘兵車也戎右車右也寵之故以為右秋隨及楚平楚子將

不許鬬伯比曰天去其疾矣去疾謂少師見獲而死○去起呂反注同

隨未可克也乃盟而還○冬王命虢仲立晉

哀侯之弟緡于晉

號仲王卿士號公林父○緡亡巾反

○祭公來遂

逆王后于紀禮也

天子娶於諸侯使同姓諸侯爲之主祭公來受命於魯故曰禮

經九年春紀季姜歸于京師

季姜桓王后也季字姜紀姓也書字

者伸父母之尊○伸音申

疏

注季姜至之尊○正義曰時當桓王故云桓王后也公羊傳曰其稱紀季姜何自我

言紀父母之於子雖爲天王后猶曰吾季姜是申父母之尊也公羊又曰京師者何天子之居也京者何大也師者何衆

也天子之居必以衆大之辭言之

○夏四月○秋七月○冬之曹伯

使其世子射姑來朝

曹伯有疾故使其子來朝○射姑音亦又音夜

疏

注曹

伯至來朝○正義曰朝禮當君自親行不應使大子也當享而大子歎明年而曹伯卒知其有疾故使大子來朝也大子不合稱朝攝行父事故言朝也諸經稱世子及衛世子申經作世字傳皆爲大然則古者世之與大字義通也

傳九年春紀季姜歸于京師凡諸侯之女行

唯王后書

為書婦人行例也適諸侯雖告魯猶不書。為于偽反。

○巴子使韓

服告于楚請與鄧為好

韓服巴行人巴國在巴郡江州縣。好音呼報反。

疏

注韓服至州縣。正義曰以巴所使故言巴行人行人謂使人也地理志巴郡故巴國江州是其治下縣也昭

十三年楚共王與巴姬埋璧則巴國姬姓也此年。傳文十六年與秦楚滅庸以後不見蓋楚滅之。 楚子使

道朔將巴客以聘於鄧

道朔楚大夫巴客韓服

鄧南鄙鄧

人攻而奪之幣

鄭在今鄧縣南沔水之北。鄭音曼沔面善反。

殺道朔及

巴行人楚子使遠章讓於鄧鄧人弗受

言非鄧人

所夏楚使鬬廉帥師及巴師圍鄧

鬬廉楚大夫

鄧

養甥聘甥帥師救鄧三逐巴師不克

二甥皆鄧大夫。聘

乃甘

疏

三逐巴師不克。正義曰三逐巴師謂鄧師逐巴師也不克謂楚巴不能克鄧故鬬廉設權以誘之

鬪廉衡陳其師於巴師之中以戰而北

衡橫也分巴師

為二部鬪廉橫陳於其間以與鄧師戰而僞北北走也。衡如字一音橫陳直覲反注同又如字北如字一音佩嵇康音

背鄧人逐之背巴師而夾攻之

楚師僞走鄧師逐之背巴師巴師攻

之楚師自前還與戰。背音鄧師大敗鄧人宵潰

宵夜

也。潰戶對反○秋號仲芮伯梁伯荀侯賈伯伐曲沃

梁國在馮翊夏陽縣荀賈皆國名。夏戶雅反

疏

注梁國至國名。正義曰地理志云馮翊夏陽縣故少梁也是

梁在夏陽也僖十七年傳曰惠公之在梁也梁伯妻之梁嬴

孕過期既以國配嬴則梁為嬴姓卅本荀賈皆姬姓僖十九

年秦人滅梁荀賈不知誰滅之晉大夫有荀氏賈氏蓋晉滅之以賜大夫

○冬曹太子來朝

賓之以上卿禮也

疏

注諸侯至上卿。正義曰繼子男以上卿各當其國之上。上皆周禮典命職文也鄭玄云誓猶

命也言誓者明天子既命以爲之嗣樹子不易也釋例曰周禮諸侯之適子誓於天子則下其君禮一等未誓則以皮帛繼子男此謂公侯伯子男之世子出會朝聘之儀也誓者告於天子正以爲世子受天子報命者也未誓謂在國正之而未告天子者也曹之世子未誓而來故賓之以上卿謂比於諸侯之上卿繼子男之未命數相準故也是言曹大子由未誓之故賓之以上卿謂以賓客待之同上卿之禮也卿禮殮饗積膳之數掌客聘禮略有其事傳不言未誓知曹大子必未誓者若誓則下其君一等而已侯伯之子當如子男不得徒以上卿之禮待之也釋例摠論世子故言比於諸侯之上卿此指說曹國故分明辨之云各如其國之上卿僖二十九年傳曰在禮卿不會公侯會伯子男可也昭二十三年傳曰列國之卿當小國之君固周制也然則小國之君乃當大國之卿小國之世子必不得當大國之卿故知各如其國之上卿耳何休膏肓以爲左氏以人子安處父位尤非衰世救失之宜於義左氏爲短鄭箴云必如所言父有老耄罷病孰當理其政預王事也蘇云誓於天子下君一等未誓繼子男並是降下其君寧是安居父位

享曹大子

初獻樂奏而歎

酒始獻。享許兩反。

施父曰曹大子其

有憂乎非歎所也

施父魯大夫。施色。疏反人名字父音甫。

疏

非歎所也。正

義曰服虔云古之為享食所以觀威儀省福禍無喪而戚憂必讎焉今大子臨樂而歎是父將死而兆先見也

經十年春王正月庚申曹伯終生卒

未同盟而赴以名

○夏五月葬曹桓公

無傳

○秋公會衛侯于桃

丘弗遇

無傳衛侯與公為會期中背公更與齊鄭故公獨往而不相遇也桃丘衛地濟北東阿縣東南有桃

城。中如字一音丁仲反背音佩。

○冬十有一月丙午齊侯衛侯

鄭伯來戰于郎

改侵伐而書來戰善魯之用周班惡三國討有辭。惡烏洛反又音烏路反

疏

注改侵至有辭。正義曰周禮大司馬以九伐之法正邦國賊賢害民則伐之負固不服則侵之然則侵伐者

師旅討罪之名也魯以周禮為班則魯有禮矣三國伐有禮是討有辭矣春秋善魯之用周班不使三國得伐之故改侵伐而書來戰言若三國自來戰而魯人不與戰也釋例曰齊侯衛侯鄭伯來戰于郎夫子善魯人之秉周班惡三國之伐

在檀故正王爵以表周制去侵伐以見無罪此聖人之所
以扶獎王室敦崇大教故改常例以持見之是其義也

傳十年春曹桓公卒 終施父之言 ○號仲譖其大夫

詹父於王 號仲王卿士詹父屬大夫 ○譖側鳩反詹章廉反 疏 注號仲至大

周禮每卿之下皆有大夫傳言譖其大夫知是屬已之大夫
非號大夫者若號國大夫號仲自得加罪無為譖之於王且

其若是號人不得 以王師伐號故也 詹父有辭以王師伐號 ○夏號

公出奔虞 虞國在河東大陽縣 疏 注虞國至陽縣 ○正義曰譖

伯之弟仲雍是為虞仲嗣大伯之後武王克商封虞仲之庶
孫以為虞仲之後處中國為西吳後世謂之虞公僖五年晉

滅之地理志河東大陽縣周武王封大伯後於此 ○秋秦
是為虞公志言大伯後者以仲雍嗣大伯故也

人納芮伯萬于芮 四年圍魏 ○初虞叔有玉 虞叔

虞公 疏 注虞叔虞公之弟 ○正義曰祭叔既 虞公求旃
之弟 為祭公之弟知虞叔亦是虞公之弟

施之也。弗獻既而悔之曰周諺有之匹夫無

罪懷璧其罪人利其璧以壁為罪。諺音彦。疏匹夫無罪。正義曰士大夫以上則有妾

賤庶人惟夫妻相匹其名既定雖單亦通故書傳通謂之匹夫匹婦也。吾焉用此其以

賈害也。賈買也。馬於虔反賈音古注同。乃獻。又求其寶劍叔曰

是無厭也無厭將及我。將殺我。厭於鹽反下同。遂伐虞公

故虞公出奔共池。共池地名闕。共音洪一音恭。冬齊衛鄭

來戰于郎我有辭也。初北戎病齊。在六年。諸侯

救之鄭公子忽有功焉齊人餼諸侯使魯次

之魯以周班後鄭鄭人怒請師於齊齊人以

衛師助之故不稱侵伐。不稱侵伐而以戰為文明魯直諸侯曲故言我有辭

以禮自釋交綏而退無敗績。綏苟佳反。先書齊衛王爵也。鄭主兵而序齊衛下者以

王爵次之也。春秋所以見魯猶秉周禮。見賢遍反。注鄭主至周禮。正義曰傳

書當先書鄭也。春秋之例主兵者先書此。則鄭人主兵鄭宜在。先而先序齊衛者。王爵齊衛為侯尊於鄭伯。故以王爵尊

卑為序也。不依主兵之例。而以王爵序者。魯班諸侯之戎以王爵為次。鄭忽負功懷怒。致有此師。故特改常例。還以王爵

次之。見魯猶秉周禮故也。

經十有一年春正月齊人衛人鄭人盟于惡

曹惡曹地闕。夏五月癸未鄭伯寤生卒。同盟於元年赴以名

秋七月葬鄭莊公。無傳三月而葬速。九月宋人執

鄭祭仲。祭氏仲名不稱行人。聽迫脅以逐君罪之也。疏

注祭氏至詳之。正義曰莊二十五年陳侯使女叔來聘。傳曰嘉之。故不名。是諸侯之卿嘉之。乃不名。則於法當書名。祭

仲行無可嘉知仲非其字故云祭氏仲名也祭仲鄭卿而至
宋見執必是行至宋也行使被執例稱行人此當云執鄭行
人而不稱行人者聽宋迫脅以逐出其君罪之故不稱行人
昭八年楚人執陳行人于徵師殺之傳曰罪不在行人也以
罪不在則稱行人知祭仲罪在其身故去行人也釋例曰祭
仲之如宋非會非聘與於見誘而以行人應命不能死節挾
僞以篡其君故經不稱行人以罪之是說罪仲之意襄十一
年楚人執鄭行人良霄傳曰書曰行人言使人也是變例也
傳稱誘祭仲而執之則本非行人故經不言杜必知以行人
應命罪之故不稱行人者祭仲若不至宋宋人何得執之既
往至宋即是因事而行亦既因事而行便為使人之例杜以
傳文稱誘故序其本意言非聘非會聽宋迫脅故不稱行人
罪之經與齊人執鄭詹文亦何異劉君以祭仲是字鄭人嘉
之妄規杜氏就如劉言既云罪其遂君何以嘉而稱字杜以
蕭叔非字故知祭仲是名仲既書名為罪則不稱行人
人是其貶責劉云祭仲本非行人未知有何所據

于鄭

突厲公也為宋所納故曰歸例在成十八

疏 注突厲至

言鄭。正義曰成十八年傳例曰諸侯納之曰歸知此為宋
所納故曰歸也突實公子而不稱公子傳無褒貶之例知從

告者之辭告者不言公子故不稱也十五年許叔入于許十七年蔡季歸于蔡皆以字繫國突不繫鄭者以文連祭仲祭仲之上已有鄭字蒙上鄭文故不言鄭也以宋人執仲納突乃是一事連書故突得蒙上文其鄭忽奔衛則鄭人別告故不連

鄭忽出奔衛

忽昭公也莊公既葬不稱爵者鄭人賤之以名赴

疏

注忽昭至

名赴。正義曰僖九年傳曰宋桓公卒未葬而襄公會諸侯故曰子里克殺奚齊于次書曰殺其君之子未葬也彼以未葬故繫父知既葬則成君此莊公既葬則忽成君矣宜書鄭伯出奔今書忽之名知鄭人賤之以名赴也其賤之意說在忽之

復歸 ○柔會宋公陳侯蔡叔盟于折

無傳柔魯大夫未賜

族者蔡叔蔡大夫叔名也折疏注柔魯至地闕。正義曰地闕。折之設反又市列反以柔不稱族與無駭相類是無族可稱知其未賜族也亦以蔡叔無善可嘉知叔是名叔亦無族蓋亦未賜族也 ○公會宋公

于夫鍾

無傳夫鍾成地。夫音扶

冬十有二月公會宋公于

闕

無傳闕魯地在東平須昌縣東南。闕口暫反須宣踰反

傳十一年春齊衛鄭宋盟于惡曹

宋不書經闕

疏

注宋不書經闕。正義曰。正明作傳本以解經。經傳不同。皆傳是其實。今傳有宋而經無宋。知是經之闕。文宋為大國。傳處鄭下。是史文舊闕。傳先舉經之所有。乃以闕者實之。故後言宋耳。非謂盟之序列宋在下也。服虔以為不書宋。宋後盟。宋若後盟。盟本無宋。傳不得言齊衛鄭宋為此盟也。傳之上。下例不虛舉。經文舉此盟者。為經闕宋故也。○楚

屈瑕將盟貳軫

貳軫二國名。屈居勿反。楚大夫氏貳音二軫之。忍反。皆國名。○鄭

人軍於蒲騷將與隨絞州蓼伐楚師

鄭國在江夏雲

杜縣東南有鄭城。蒲騷鄭邑。絞國名。州國在南郡華容縣東南。蓼國今義陽棘陽縣東南。湖陽城。鄭音云。國名。騷音蕭。又音緜。絞古卯反。蓼音了。本或作鄆。同。隨絞州蓼四國名。夏戶雅反。鄭本亦作瀆。音云。棘紀力反。湖音胡。莫敖。楚官名。卽屈瑕。敖五刀反。

患之

莫敖楚官名。卽屈瑕。敖五刀反。

鬪廉曰。鄭人軍其郊。必不

誠。且日虞四邑之王也。

虞度也。四邑隨絞州蓼也。邑亦國也。且日人逸反。度待

洛反〔疏〕注邑亦國也。正義曰書云欲宅洛邑傳每云敝邑是也君次於郊郢以

禦四邑君謂屈瑕也郊郢楚地〔疏〕注君謂屈瑕也。正義曰禮坊記云禮君

不稱天大夫不稱君恐民之惑也然則大夫不得稱君此謂

屈瑕為君者楚僭王號縣尹稱公故呼卿為君大夫正法當

呼為主昭元年傳醫和謂趙文子曰主相晉國是其事也祁

盈之臣謂祁盈為君伯有之臣謂伯有為公是家臣稱其主

耳我以銳師宵加於鄭鄭有虞心而恃其城

恃近其城。〔疏〕鄭有虞心。正義曰鄭人曰虞四邑之至近附近之近

恃近城故無鬪志莫有鬪志若敗鄭師四邑必離莫敖

曰盍請濟師於王盍何不也濟益也。對曰師克盍戶各反濟箋計反

在和不在衆商周之不敵君之所聞也商紂也周武王也傳曰武王有亂臣十人〔疏〕注商紂至夷人。正義曰古文尙書泰誓曰受紂有億兆夷人。億於力反

有億兆夷人離心離德予有亂臣十人同心同德昭二十四
年傳引之云亦有離德已與本小殊此注改予為武王又倒
其先後者便文耳雖言傳曰非傳本文劉炫云
欲以證商周之不敵故先少而後多非便文
成軍以出

又何濟焉莫敖曰卜之對曰卜以決疑不疑

何卜遂敗鄭師於蒲騷卒盟而還卒盟○鄭

昭公之敗北戎也在六年齊人將妻之昭公辭

祭仲曰必取之君多內寵子無大援將不立

三公子皆君也子突子亶子儀之母皆有寵。妻七計反下注同援於脊反亶亡匪反本或作

弗從○夏鄭莊公卒初祭封人仲足有寵

於莊公祭鄭地陳留長垣縣東北有祭城封人守封疆者因以所守為氏。疆居良反莊公使

為卿為公娶鄧曼生昭公故祭仲立之曼鄧姓為公

子偽反
曼音萬
宋雍氏女於鄭莊公曰雍姑生厲公氏

姑姓宋大夫也以女妻人曰女。雍音於恭反女音尼據反注曰女同姑音其吉反又音其秩反
雍氏宗

有寵於宋莊公故誘祭仲而執之祭仲之如宋非會非聘見

誘而以行人應命○應應對之應
疏注祭仲至應命。正義曰傳言誘而執之則祭仲被誘如宋在宋見執執

不在會知非會也。被誘而往知非聘也。直為見誘而以行人應彼宋命也。行人謂行往宋耳。劉炫云杜欲成不稱行人之義故以行人言之。

曰不立突將死亦執厲公而求賂焉

祭仲與宋人盟以厲公歸而立之。○秋九月

丁亥昭公奔衛己亥厲公立

經十有二年春正月。○夏六月壬寅公會杞

侯莒子盟于曲池曲池魯地魯國汶陽縣北有曲水亭。汶音問。○秋七

月丁亥公會宋公燕人盟于穀丘

穀丘宋地燕人南燕大夫

○八月壬辰陳侯躍卒

無傳厲公也十一年與魯大夫盟於折不書葬魯不書也

壬辰七月二十三日書於八月從赴。躍羊略反

疏

注厲公至從赴。正義曰躍為厲公卅本文也莊二十二

年傳曰陳厲公蔡出也故蔡人殺五父而立之五父即他六年殺他而厲公立也陳世家以他與五父為二人言蔡人為他殺五父及桓公太子免而立他是為厲公立七年太子免之三弟躍林杵曰共弑厲公而躍立是為利公利公立五月卒林立是為莊公案傳五父他一人而世家以為二人案經蔡人殺他在桓公卒之明年不得為他立七年也他以為六年見殺躍以此年始卒不得為躍立五月也既以他為厲公又妄稱躍為利公卅本本無利公皆是馬遷妄說東晉言馬遷分一人以為兩人以無為有謂此事也壬辰是七月二十三日上有七月書於八月之下如此類者注皆謂之日諡今云從赴者以其終不可通蓋欲兩解故也以五年正月甲戌巳丑陳侯鮑卒甲戌非正月之日而以正月起文傳言再赴是赴以正月也彼以十二月之日為正月赴魯知赴者或有以前月之日從後月而赴故因此以示別意

○公

會宋公子虛

虛宋地。虛去魚反。

○冬十有一月公會宋

公子龜

龜宋地

○丙戌公會鄭伯盟于武父

武父鄭地

陳留濟陽縣東北有武父城。父音甫地名有父字者皆同甫音

重書丙戌非義例因史成文也未

○丙戌衛侯晉卒無傳

同盟而赴以名。重甫用反下同

重書日其餘亦應有一日兩事各書日者但更無其日不可

復知計赴告之體本應皆以日告史官書策復應各書其日

但他國之告或有詳略魯史記注多違舊章致使日與不日

無復定準及其仲尼書經不以日月褒貶或略或詳非此所

急故日月詳略皆依舊文此重書丙戌

非是義例以舊史所重故因史成文耳

○十有二月及

鄭師伐宋丁未戰于宋

既書伐宋又重書戰者以見宋之無信也莊十一年傳例

日皆陳曰戰九其無信故以獨

戰為文。見賢遍反陳直觀反

疏注既書至為文。正義曰春秋之例戰不言伐

以其伐可知故略其文也伐者討有罪之辭言戰又言伐者

皆是罪彼所伐之國此既書伐宋又重書戰者以見宋之無

信言以鍾鼓聲其罪而伐之彼不服罪而反與我戰所以深責之也莊二十八年齊人伐衛衛人及齊人戰此文亦當如彼宜云及宋人戰今直言戰于宋者九其無信故以獨戰為文皆陳曰戰戰是敵辭不言及宋戰不使宋得敵也十年郎之戰我有禮彼無禮齊鄭無辭以罪我不令我與彼敵彼自獨戰為文此戰我有信而宋無信我有辭以責宋不使宋敢敵我我自獨戰為文郎戰我有辭故言戰不言伐此戰宋無辭故言伐不言與宋戰二者雖文皆獨戰而義存彼此俱是善惡有殊不得相敵故也

傳十二年夏盟于曲池平杞莒也

隱四年莒人伐杞自是遂

不平○公欲平宋鄭秋公及宋公盟于句瀆之

上

句瀆之丘即穀丘也宋以立厲公故多責賂於鄭鄭人不堪故不平。句古侯反瀆音豆

宋成未

可知也故又會于虛冬又會于龜宋公辭平

故與鄭伯盟于武父

宋公貪鄭賂故與公三會而卒辭不與鄭平

遂帥

師而伐宋戰焉宋無信也君子曰苟信不繼

盟無益也詩云君子屢盟亂是用長無信也

詩小雅言無信故數盟數盟則情疏情疏而憾結故云長亂

○屢力俱反本又作婁音同長丁丈反注同數音朔下同憾

戶暗○楚伐絞軍其南門莫敖屈瑕曰絞小而

輕輕則寡謀請無升采樵者以誘之扞衛也樵

遣政反打戶且從之絞人獲三十人獲楚明日絞

人爭出驅楚役徒於山中楚人坐其北門而

覆諸山下坐猶守也覆設伏兵而大敗之為城下

之盟而還城下盟諸疏注城下至深恥○正義曰宣

子反曰敝邑易子而食析骸以爨雖然城下之盟有以國斃

不能從也寧以國斃不肯從城下之盟是其深恥也必為深

恥者諸侯當好事四鄰以衛社稷相時而動量力而行今乃構怨疆敵兵臨城下力屈勢沮求服受盟是其不知之甚將

為鄰國所笑故深恥之彭水至魏縣○正義曰釋例云彭水出新城昌魏縣東北至南鄉筑陽縣入漢伐絞之役楚師分涉於彭彭水在新疏

使伯嘉謀之三巡後徙南郡枝江縣伯嘉羅大數之羅熊姓國在宜城縣西山中羅人欲伐之

夫謀伺也巡徧也○謀徒協反數注羅熊至徧也○正色主反枝質而反伺音筭徧音遍

疏義曰羅熊姓卅本文也說文云軍中反間也謂詐為敵國之人入其軍中伺候間

隙以反報其主故此訓謀為伺而兵書謂之反間也巡徧也

謂巡澆徧行之

經十有三年春二月公會紀侯鄭伯己巳及

齊侯宋公衛侯燕八戰齊師宋師衛師燕師

敗績大崩曰敗績例在莊十一年或稱人或稱師史異疏

辭也衛宣公未葬惠公稱侯以接鄰國非禮也

公會至敗績。正義曰：傳稱宋多責賂於鄭，故以紀魯及齊與宋衛燕戰，然則此戰之與本由宋鄭相怨，雖復各連同好，當以宋鄭為主，其序紀在鄭上，宋處齊下者，若魯人不與而鄰國自行，則以主兵為先。若與魯同行，魯史所記則當以魯為主，不得復先主兵。亦既先主兵，即以大小為序，故紀先鄭也。宋使齊為主，猶隱四年州吁伐鄭，使宋為主，故齊先宋。此以公在會，故不以主兵為先。尊卑為序，故紀在鄭先。若然，莊二十六年會宋人齊人，伐徐杜云：宋主兵，故序齊上。彼魯亦在而先主兵者，彼是魯之微人，所會之國又少，此則公自在會及所戰之國，歷序又多，故不與彼同也。戰稱將敗，稱師是史策之常法也。史所以然者，師是將之所帥，戰則舉將為重，敗則羣師盡崩，固常與師言敗。若其敗還書將，則是將身獨敗，無以見師之大崩。故戰則稱將敗，則稱師言其眾師盡敗。非獨將身敗也。此燕人謂將也。楚子傷目，故稱楚子敗績。此若云：燕人敗績，則是燕將身傷，以此不得不稱師敗。唯莊二十八年衛人敗績，違常文耳。注大崩至禮也。正義曰：言史異辭者，決莊二十八年衛人及齊人戰，衛人敗績也。此敗稱師而彼敗稱人是史異辭也。史非一人立辭，自異非褒貶之例也。此二者於理則師是而人非，但不以為義，故合各從其本耳。杜以既葬為成君，雖則踰年，猶待葬訖，故以惠公

為非禮釋例曰父雖未葬喪服在身踰年則於其國內即位稱君伐鄭之役宋公衛侯是也春秋書魯事皆踰年即位稱公不可曠年無君則知他國亦同然據父未葬於其國內雖得伸其尊若以接鄰國則違禮失制也是言先君未葬則不得稱爵成君以接鄰國也杜言違禮失制禮制亦無明文案文八年八月天王崩九年春毛伯來求金傳曰不書王命未葬也彼以踰年未葬不得稱王命使其其

禮制未可以此知接鄰國則違禮制也
宣公無傳夏大水無傳秋七月冬十月葬衛

傳十三年春楚屈瑕伐羅鬪伯比送之還謂

其御曰莫敖必敗舉趾高心不固矣也遂

見楚子曰必濟師難言屈瑕將敗故以益師調諫。見賢遍反齊箋計反難乃且反諷

方鳳反本亦作風楚子辭焉不解其旨故拒人告夫人鄧

曼鄧曼曰大夫其非眾之謂鄧曼楚武王夫人言伯比意不在於益眾

也其謂君撫小民以信訓諸司以德而威莫

敖以刑也莫敖狃於蒲騷之役將自用也

狃

也蒲騷在十一年○狃女久反快時世反又時設反

必小羅君若不鎮撫其

不設備乎夫固謂君訓衆而好鎮撫之

撫小民以信也

○好呼報反又如字

召諸司而勸之以令德

訓諸司以德也

見莫敖

而告諸天之不假易也

謂之也言天不借貸慢易之人威莫敖以刑也○易以鼓

反注同借子夜反貸他代反慢武諫反

不然夫豈不知楚師之盡行

也楚子使賴人追之不及

賴國在義陽隨縣賴人仕於楚者盡津忍反此

類可以

疏

大夫至行也○正義曰大夫伯比言濟衆者非益衆之謂也其此伯比之意當謂君宜撫慰小

人士卒以言信也教訓諸司長率以令德而威懼莫敖以刑罰也莫敖狃於蒲騷之役狃貫也貫於蒲騷之得勝遂恃勝

以為常將自用其心不受規諫必輕小羅國以為無能君若不
以言辭刑罰鎮重撫慰之莫敖其將不設備乎夫謂伯比
伯比之意固當謂君教訓眾民而好以言辭鎮撫之召軍之
諸司而勸勉之以善德見莫敖而告之道上天之意不借貸
慢易之人不使慢易之人得勝言其必須敬懼也其意當如
此耳若其不然此伯比豈不知楚師之盡行也而更請益師
乎○注狂快也○正義曰說文云狃狎也快習也郭璞云貫
快也今俗語皆然則狃快皆貫習之義以貫得勝則輕易前
敵將自用其意不復持重莫敖使徇于師曰諫者有刑也○徇

似後反及鄢亂次以濟鄢水在襄陽宜城縣入漢○鄢於晚反又於萬反亂次以濟本

或以濟其水注鄢水至入漢○正義曰釋例曰鄢水出疏新城沔鄉縣東南經襄陽至宜城縣入漢遂

無次且不設備及羅羅與盧戎兩軍之盧戎南蠻

○盧如字本或作盧音同大敗之莫敖縊于荒谷羣帥囚于

治父縊自經也荒谷治父皆楚地○縊一以聽刑楚

或作荒如字本或作荒音同治音也

子曰孤之罪也皆免之。宋多責賂於鄭。立尖

鄭不堪命故以紀魯及齊與宋衛燕戰不書

所戰後也。公後地期而及其戰疏。注公後至之地。正義曰兩敵將戰

必豫期戰地公未見紀鄭紀鄭已與齊宋先設戰期公不及

設期唯及其戰故言戰而不書所戰之地言此地非公所期

故不書也釋例曰桓十三年戰不書所者期戰所在之地

也公會戰而後其期猶及諸侯共其成敗故備書諸國而不

書地成十六年傳曰戰之日齊國佐至於師此其類也然則

諸戰書日者日即從月計此經當云二月己巳公會紀侯鄭

伯今退己巳於鄭伯之下者春秋之例公之出會例多以月

要盟戰敗例多以日故己巳之文在公會紀侯鄭伯之下十

二年十二月及鄭師伐宋丁未戰于宋亦其類也服虔云下

日者公至而後定戰日地之與日當同時設期公既不及期

地安得及期日也劉炫云公會紀鄭告廟而行始行即書會

也其戰之日則戰罷乃告廟史官雖連并其文而存其本旨

己巳是戰日故。鄭人來請脩好。好呼。

下日以附戰。報反。

經十有四年春正月公會鄭伯于曹

脩十二年武父之好

以曹地曹與會。好呼報反與音預。

○無冰

無傳書時失

○夏五

不書月闕文

鄭

伯使其弟語來盟。秋八月壬申御廩災。

御廩

公所親耕以奉粢盛之倉也。天火曰

疏

注御廩至六年。正義曰傳稱御廩

災。乙亥嘗書不害也。明嘗之所用是御廩之所藏也。禮記祭

義云天子為藉千畝。諸侯百畝。躬秉耒以事天地山川社稷。

先古敬之至也。穀梁傳曰天子親耕以共粢盛。王后親蠶以

共祭服。國非無良農工女也。以為人之所盡事。其祖禰不若

以己所自親者也。月令季秋乃命冢宰藏帝藉之收於神倉。

鄭立云重粢盛之委也。帝藉所耕千畝也。藏祭祀之穀故為

神倉。以此諸文知御廩藏公所親耕以奉粢盛之倉也。廩即

倉之別名。周禮廩人為倉人之長。其職曰大祭祀則共其接

盛。鄭立云接讀為扱。扱以授春人大祭祀之穀。藉田之收藏

於神倉者。不以給小用。是公所親耕之粟。擬共祭祀藏於倉

廩。故謂之御廩。災其屋而

乙亥嘗

先其時亦過也。既戒日致齊。廩雖災苟不害嘉

不損其穀。故曰書不害也。

穀則祭不應廢故書以示法。先悉薦反又如字齊側皆反。

疏

注先其至示法。正義曰八月建未未是始殺。

故云先其時亦過也。周禮大宰祀五帝前期十日帥執事而卜日遂戒享先王亦如之。鄭立云十日者容散齋七日致齋三日壬申在乙亥之前三日是致齋之初日也。既已成日致齋御廩雖灾苟其不害嘉穀有穀可以共祭祀則祭不應廢。故書以示法也。若害穀則當廢不可苟用他穀故也。先時亦過過則當書但書過已有成例故傳指言不害故沈氏云杜以先時亦過過則當書傳何以專言不害此丘明之意若非先時有灾不害亦書若非御廩有灾先時亦書進退明例也。服虔云魯以壬申被灾至乙亥而嘗不以灾害為恐故衛難杜云若救之則息不害嘉穀則傳當有救火之文若如宋灾傳舉救火今直言不害明知不以灾為害杜必為不害嘉穀者秦氏答云傳所以不載救火者傳以指釋經文略舉其要所以不載救火至於宋鄭之灾彼由簡牘備載詳畧不等不可相難也。

○冬十有一月丁

己齊侯祿父卒

無傳隱六年盟於艾

○宋人以齊人蔡人

衛人陳人伐鄭

凡師能左右之曰以例在僖二十六年

傳十四年春會于曹曹人致餼禮也

熟曰饗生曰餼

疏

注熟曰饗生曰餼。正義曰周禮外內饗皆掌割亨之。事亨人給外內饗之饗亨者饗者煮肉之名知熟曰饗

哀二十四年傳稱晉人餼臧石牛以生牛賜之知生曰餼又聘禮致饗餼五牢飪一牢腥二牢餼二牢飪是熟肉腥是生肉知餼是未殺鄭玄以為生牲曰餼唯瓠葉箋云腥曰餼欲以牽為牽行故餼為已殺非定解也定解猶以生為餼傳諸言餼者皆致生物於賓也。夏鄭子人來尋盟且脩苗畷之會子人即弟語也。秋八月壬申御廩災亡之嘗書其後為子人氏。

不害也

灾其屋救之則息不及穀故曰書不害

。冬宋人以諸侯伐

鄭報宋之戰也

在十二年

焚渠門入及大逵

渠門鄭城門逵道方

九軌。達九龜反

伐東郊取牛首

東郊鄭郊牛首鄭邑

以大宮之椽

歸為盧門之椽

大宮鄭祖廟盧門宋城門告伐而不告人取故不書。大音泰椽直專反椽也

圖曰椽方曰楹說文云周謂之椽齊魯謂之楹

經十有五年春二月天王使冢父來求車。

三月乙未天王崩

無傳桓王也

夏四月己巳葬齊

僖公

無傳

五月鄭伯突奔蔡

突既篡立權不足自固又不能倚

任祭仲反與小臣造賊盜之計故以自奔為文罪之也例在昭三年。倚於綺反

疏

注突既至三年。正義曰

凡諸侯出奔皆被逐而出非自出也舊史書臣以逐君仲尼脩春秋責其不能自固皆以自奔為文以故此注迹突之惡言其罪之之意釋例曰諸侯奔亡皆迫逐而苟免非自出也傳稱衛孫林父甯殖出其君名在諸侯之策此以臣名赴告之文也仲尼之經更沒逐者主名以自奔為文責其不能自安自固所犯非徒所逐之臣也言其所犯處多非徒逐者獨惡君不能君故臣亦不臣臣之逐君其罪已著沒其臣名獨見君罪言罪不純在其臣故也衛獻公出奔不名鄭伯突及北燕伯欵蔡侯朱等皆書名者從彼告辭故釋例曰衛赴不以名而燕赴以名隨赴而書之義在彼不在此也言責其不

能自安自固自奔卽是身罪名與不名不復著義故從告也
也昭三年傳曰書曰北燕伯欵出奔齊罪之也是變例也

世子忽復歸于鄭忽實居君位故今還以復其位之例為文也稱世子者忽為大子有

母氏之寵宗卿之援有功於諸侯此大子之盛者也而守介

節以失大國之助知三公之疆不從祭仲之言修小善絜

小行從匹夫之仁忘社稷之大計故君子謂之善自為謀言

不能謀國也父卒而不能自君鄭人亦不君之出則降名以

赴入則逆以大子之禮始於見遂終於見殺三公子更立亂

鄭國者實忽之由復歸例在成十八年。介音界行下孟反

更音疏注忽實至八年。正義曰成十八年傳曰復其位

庚疏曰復歸忽本既居君位然後出奔故今還以復位

之例為文也經言復歸明是復位之例注言此者以忽之出
奔不稱鄭伯歸言世子又非君號非君而稱復歸嫌其不是
復位故明之禮父在稱世子忽父之喪於今五年世子非所
當稱故述其稱之意鄧曼所生立為世子是有母氏之寵也
宗卿謂同姓之卿祭仲之女曰雍姬則祭仲姬姓是同宗卿
也救齊敗戎是有功也而守介節謂守瑣瑣猶介之節不娶
齊女也經書鄭忽出奔不稱鄭伯是降名以赴也今稱世子
復歸是逆以大子之禮也逆以大子之禮者以突是庶子無

道出奔更欲擇君莫踰於忽以本是世子故迎之使還爲是
世子所以得歸鄭以世子名告不以嘗爲君告時史因其告
辭書曰世子實復本位書曰復歸而忽之爲君不能自固始
於見逐終於見殺三公子更立爲君亂鄭國者實忽之由釋
例與此注盡同其末云故仲尼因以示義言因舊史之文卽
稱世子示鄭人本有不以爲君之義忽於隱公之世每稱公
子六年稱大子則救齊也○許叔入于許許叔莊公弟也
之時已立爲大子故也○許叔入于許許叔莊公弟也
許大夫奉許叔居許東偏鄭莊公既卒乃入居位許疏注
人嘉之以字告也叔本不去國雖稱入非國逆例許
叔至逆例○正義曰入者自外之辭本其所自之處言其自
許東偏而入于許國非從外國人也鄭莊公以十一年卒許
叔今始入者蓋鄭突不使其復忽既得位親仁善鄰存許以
德許人冀其爲己之援故此年始得入也小白陽生入皆稱
名此叔稱字故云許人嘉之以字告也杜知是字者以蔡季
子來歸亦以書字故知之也杜以傳例云凡去其國國逆而
立之曰入嫌此亦爲國逆之例釋例曰諸在例外稱入直是
自外入內記事常辭義无所取賈氏雖夫人姜氏之入皆以
爲例由先儒以爲國逆故言許叔本不去國非國逆之正例
國逆正例據去國而來許叔本非去國故云非國逆例其實

許始復國許叔得還上下交歡同心逆逆指其實事有國逆之理故於釋例云許叔有國逆之文但非國逆正例耳劉君不達此旨妄規杜失非也 ○公會齊侯于艾 ○邾人牟人葛人

來朝

無傳三人皆附庸之世子也其君應稱名故其子降稱人牟國今泰山牟縣葛國在梁國寧陵縣東北 ○

牟亡疏

注三人至東北 ○正義曰三國俱稱人合行禮知其尊卑同也以邾子未得王命知牟葛之等是附

庸卿黎來來朝附庸書名此若君自親來則亦應稱名若遣

臣來聘又不得稱朝曹伯使世子射姑來朝是世子有稱朝

之義知此三人皆附庸世子攝行父事而來朝也諸侯之卿

稱名大夫降稱人是人之於名例差一等若附庸其君應稱

名故其子降稱人釋例曰王之世子不名諸侯世子則名會

王世子于首止曹世子射姑來朝是也附庸世子稱人邾人

牟人葛人來朝是也是言世子稱謂之等級也地理志泰山

郡牟縣故牟國也陳留郡寧陵縣應劭曰故葛伯國然則於

晉屬梁 ○秋九月鄭伯突入于櫟 櫟鄭別都也今河

國也 直書人無義例也 ○冬十有一月公會宋公衛

櫟音歷翟徒歷反 ○冬十有一月公會宋公衛

櫟音歷翟徒歷反 ○冬十有一月公會宋公衛

櫟音歷翟徒歷反 ○冬十有一月公會宋公衛

侯陳侯于袤伐鄭

袤宋地在沛國相縣西南先行會禮而後伐也。袤昌氏反相息亮

反

〔疏〕

注先行會禮。正義曰知非不與謀言會者以言于

例也召陵會杜注云於召陵先行會禮與此同也

傳十五年春天王使冢父來求車非禮也諸

侯不貢車服

車服上之所以賜下

天子不私求財

諸侯有常職貢

祭仲專鄭伯患之使其壻雍糾殺之將享諸

郊雍姬知之謂其母曰父與夫孰親其母曰

人盡夫也父一而已胡可比也

婦人在室則天父出則天夫女以為

疑故母以所生為本解之

遂告祭仲曰雍氏舍其室而將享

子於郊吾惑之以告祭仲殺雍糾尸諸周氏

之汪

汪池也周氏鄭大夫殺而暴其尸以示戮也。舍音捨汪烏黃反暴步卜反

公載以出

愍其見殺故載其尸共出國

曰謀及婦人宜其死也。夏厲公

出奔蔡。六月乙亥昭公入。許叔入于許。

公會齊侯于艾。謀定許也。秋鄭伯因櫟

人殺檀伯而遂居櫟

檀伯鄭守櫟大夫。檀徒丹反

冬會于袤

謀伐鄭將納厲公也。弗克而還。

經十有六年春正月公會宋公蔡侯衛侯于

曹。夏四月公會宋公衛侯陳侯蔡侯伐鄭

春既謀之今書會者魯諱議納不正蔡常在衛上今序陳下蓋後至

疏

注春既至後至。正義曰宣七年傳例云

與謀曰及不與謀曰會此春既謀之例當言及今書會者魯諱與諸侯聚議納不正之人故從不與謀之文釋例曰魯既

春會于曹以謀伐鄭夏遂與師而更從不與謀之文者厲公
篡大子忽之位謀而納之非正故諱之從不與謀之例是其
義也諸侯之序以大小為次班序譜稱自隱至莊十四年四
十三歲征伐盟會者凡十六國時無霸主會同不并無有成
序其間蔡與衛凡七會六在衛上。秋七月公至自
唯此處在陳下故以為蓋後至也。

伐鄭

禮故書用飲至之。

冬城向

傳曰書時也而下有十一月
舊說因謂傳誤此城向亦俱

是十一月但本事異各隨本而書之耳經書夏叔弓如滕五
月葬滕成公傳云五月叔弓如滕即知但稱時者未必與下
月異也又推按此年閏在六月則月却而節前水星可在十
一月而正也詩云定之方中作于楚宮此未正中也功役之
事皆摠指天象不與言歷數同也故傳之釋經
皆通言一時不月別。向失亮反定丁佞反
正義曰杜以城向與下同月故檢叔弓如滕經傳之異如滕
與葬同月知此城向與出奔同月但本事既異各隨本而書
之下有月而此無月耳其實同是十一月也但十一月水星
昏猶未正故復推按歷數此年月却節前水星可在十一月
而正又方者未至之辭故以定之方中為方欲向中而實未
正中十一月可以興土功書時非傳誤也劉炫規過以為案

周語云辰角見而雨畢天根見而水涸駟見而隕霜火見而
清風戒寒故先王之教曰雨畢而除道水涸而成梁隕霜而
冬裘具清風至而脩城郭故夏令曰九月除道十月成梁營
室之中土功其始先儒以為建戌之月霜始降房星見霜降
之後寒風至而心星見鄭玄云辰角見謂九月本天根見謂
九月末天根謂氏星是也自然火見是建亥之月又春秋城
楚丘是正月而杜引詩云定之方中未正中也定星豈正月
未正中乎據此諸文則火見土功必在建亥之月則建戌之
月必無土功之理而杜以為建戌之月得城向者非也今以
為周語之文單子見陳不除道故譏為此言故所舉時節並
在早月也月令孟冬天子始裘單子云隕霜而冬裘具九月
已裘是其早也且周語之文據尋常節氣九月而除道十月
而興土功杜以此年閏在六月則建戌之月二十一日已得
建亥節氣是十月節氣在九月之中土功之事何為不可諸
侯城楚丘自在正月衛人初作宮室必在其前杜云定星方
欲正中於理何失劉君廣引周語之文以規杜杜以月却節
前何須。十有一月衛侯朔出奔齊惠公也朔讒構
致難。公子逐罪之也

傳十六年春正月會于曹謀伐鄭也。前年冬謀納厲公不

克故復更謀。復扶又反。夏伐鄭秋七月公至自伐鄭以

飲至之禮也。○冬城向書時也。○初衛宣公

烝於夷姜生急子。夷姜宣公之庶母也。上淫曰烝。烝之承反。急如字。詩作倨。上時掌。

反一音如字。疏。注夷姜至曰烝。正義曰晉獻公烝於齊姜惠庶母也。成二年傳稱楚莊王以夏姬子連尹襄老襄老死其子黑要烝焉。淫母而謂之烝。知烝是上淫。蓋訓烝為進言自進與之淫也。世家云初宣公愛夫人夷姜烝淫而謂之夫人馬遷謬耳。屬諸右公子為之

娶於齊而美公取之生壽及朔屬壽於左公

子。左右媵之子因以為號。屬音燭。下同。為于偽反。媵羊政反。疏。注左右至為號。正義曰公子法無

左右明其因母為號。公羊稱諸侯取一國則二國往媵之以有二媵故分為左右說。公羊者言右媵貴於左媵。義或當然。

有二媵故分為左右說。公羊者言右媵貴於左媵。義或當然。

此左右公子蓋宣公之兄弟也夷姜縊失寵而自縊死宣姜與公子朔構

急子宣姜宣公所取急子之妻構會其過惡。構古豆反會古外反公使諸齊使盜

待諸莘將殺之莘衛地陽平縣西北有莘亭。公使所吏反莘所中反壽子

告之使行行去也不可曰棄父之命惡用子矣

惡安也。惡音烏注同有無父之國則可也及行飲以酒

壽子載其旌以先盜殺之急子至曰我之求

也此何罪請殺我乎又殺之二公子故怨惠

公十一月左公子洩右公子職立公子黔牟

黔牟羣公子。飲以酒於鳩反一本疏載其旌。正義曰

以作之洩息列反黔其廉反又音琴代代之而載其旌蓋旌有志識故也世家云與太子白旌而告盜曰見白旌者殺之或當以白旌為旌但馬遷演此文而為之說其辭至鄙未

必其言
可信也
惠公奔齊

經十有七年春正月丙辰公會齊侯紀侯盟

于黃黃齊地○二月丙午公會邾儀父盟于趨趨魯

地稱字義與蔑盟同二月無丙午丙午三月四日也日月必有誤。趨翠軌反○夏五月丙午

及齊師戰于奚奚魯地背陳曰○六月丁丑蔡

侯封人卒十一年大○秋八月蔡季自陳歸于

蔡季蔡侯弟也言○癸巳葬蔡桓侯無傳稱侯蓋謬

疏并稱侯蓋誤。正義曰五等諸侯卒則各書其爵葬則

舉諡稱公禮之常也此無貶責而獨稱侯故云蓋謬誤也釋例曰卒而外赴者皆正爵而稱名慎死考終不敢違大典也書葬者皆從主人私稱客主之人敬各有本謙敬各得其所而後二國之禮成也葬蔡桓侯獨不稱公劉賈許曰桓卒而季歸無臣子之辭也蔡侯無子以弟承位羣臣無廢王

社稷不乏祀故傳稱蔡人嘉之非貶所也祀伯稱子傳為三發蔡侯有貶傳亦宜說史書謬誤疑有闕文是其疑之意也

○及宋人衛人伐邾○冬十月朔日有食之

甲乙者曆之紀也晦朔者日月之會也日食不可以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也齊

滅紀衛○及邾儀父盟于趯尋蔑之盟也蔑盟在魯

逐其君○夏及齊師戰于奚疆事也爭疆界也。疆是良反注及下皆同

於是齊人侵魯疆疆吏來告公曰疆場之事

慎守其一而備其不虞虞度也不度猶不意也。場音亦度待落反下同

〔疏〕疆場至不虞。正義曰疆場謂界畔也至此易主故名曰場典封疆者不得已往侵人無使人來侵已謹慎守

其一家之所有以備不意度之事 姑盡所備焉事至而戰又何謁

焉

齊背盟而來公以信待故不書侵伐。背音佩下同。

○蔡桓侯卒蔡人召

蔡季于陳

桓侯無子故召季而立之季內得國人之望外有諸侯之助故書字以善得眾稱歸以明

外納 ○秋蔡季自陳歸于蔡蔡人嘉之也

嘉之故以字告

○伐邾宋志也

邾宋爭疆魯從宋志背進之盟

○冬十月朔日有

食之不書日官失之也天子有日官諸侯有

日御

日官日御典歷數者

疏

註日官至歷數。正義曰周禮大史掌正歲年以序事頒告朔于邦國然

則天子掌歷者謂大史也大史下大夫非卿故不在六卿之數傳言居卿則是尊之若卿故知非卿而位從卿故言居卿也平歷數者謂掌作歷數平其遲速而頒於邦國也晦朔弦望交會有期日月五星行道有度歷而數之故曰歷數也

日官居卿以底日禮也

日官天子掌歷者不在六卿之數而位從卿故言居卿也

底平也謂中歷數

日御不失日以授百官于朝

官日

平厥以班諸侯諸侯奉之不以天時以授百官

○初鄭伯將以高渠彌為

卿昭公惡之固諫不聽昭公立懼其殺已也

辛卯弑昭公而立公子亶

公子亶昭公弟○惡鳥路反下及注所惡皆同

君子謂昭公知所惡矣公子達曰

公子達魯大夫

疏

君子至惡矣○正義曰弑君者人臣之極惡也昭公惡其人其人果行大惡是昭公知所惡矣言昭公惡之不

妄也韓子以為君子言知所惡者非多其知之明而嫌其心不斷也曰知之若是其明也而不如早誅焉以及於死故言知所惡以見其無權也昭公知其惡而不能行其誅致使渠彌含憎懼死以徼幸故昭公不免於弑戒人君使彊於斷也○注公子達魯大夫○正義曰知非鄭人者若是鄭人當在君子之前言之傳先載君子之議後陳子達之言是達聞其言而評之與臧文仲聞蓼六之滅其事相類故知是魯人也

高伯其為戮乎復惡

已甚矣

復重也本為昭公所惡而復弑君重為惡也○復扶又反注同一音服則乖注意重直用反下屬

經十有八年春王正月公會齊侯于灤

灤水在濟

南麻城縣西北入濟。灤盧篤反。又力角反。一音洛。說文匹沃反。

○公與夫人姜氏遂

如齊

公本與夫人俱行至灤公與齊侯行會禮故先書會灤既會而相隨至齊故曰遂

〔疏〕

公與

齊。正義曰僖十一年公及夫人會齊侯于陽穀彼言及此不言及者公羊傳曰公何以不言及夫人夫人外也言夫人淫於齊侯而踈外公故不言及也。穀梁傳曰不言及夫人何也以夫人之伉不稱數也。言夫人驕伉不可及故舍而不數也。杜無明解傳載申繻之言譏公男女相瀆蓋以相褻瀆之故果致大禍時史譏其男女無別故不書及也。注公本至曰遂。正義曰據傳文知其嚮會之時即與夫人俱行至於灤水之上不言及夫人會者夫人從公行耳其會之時夫人不與既會乃相隨嚮齊故如齊之上始書夫人公自因會而行故言遂耳

薨于齊

不言戕諱之也戕例在宣十八年。戕在良反

丁酉公之喪至自齊

齊

無傳告廟也丁酉五月一日有日而無月

○秋七月○冬十有二月

已丑葬我君桓公

無傳九月乃葬緩慢也

傳十八年春公將有行遂與姜氏如齊

始議行事

申繻曰女有家男有室無相瀆也謂之有禮

易此必敗女安夫之家夫安妻之室遠此則為瀆今公將姜氏如齊故知其當致禍亂。瀆徒木反

疏女有家男有室。正義曰沈氏云卿大夫稱家家者內外之大名戶內曰室但男子一家之主職主內外故曰

家婦人主閨內之事故為室也劉炫云釋宮云宮謂之室其內謂之家則家之與室義無以異欲見男女之別故以室屬之其實室家同也公會齊侯于濼遂及文姜如齊齊侯

通焉公謫之謫直革反責也。王又工革反譴遣職反以告夫人告齊侯

○夏四月丙子享公齊侯為公設享燕之禮。為于偽反使公子彭

生乘公公薨于車上車曰乘彭生多力拉公幹而殺之。乘如字又純證反注同上時

掌反拉力荅注上車至殺之。正義曰莊元年公羊傳

反幹古旦反疏曰夫人潛公於齊侯齊侯怒與之飲酒於

其出焉使公子彭生送之於其乘焉擗幹而殺之何休云擗

折聲也齊世家云襄公使力士彭生抱上魯君車因摺殺魯

桓公下車則死矣擗摺拉音義同也魯人告于齊曰寡君畏君之威

不敢寧居來脩舊好禮成而不反無所歸咎

惡於諸侯請以彭生除之除恥辱之惡也。好齊

人殺彭生不書非卿○秋齊侯師于首止陳師首止

也首止衛地陳留襄討鄭弒君子亶會之高渠彌相不知齊欲

邑縣東南有首鄉息亮七月戊戌齊人殺子亶而輶高渠彌車裂

反輶音患○疏注車裂曰輶。正義曰襄二十二年傳稱輶

裂音列觀起於四竟又曰觀起車裂是其事也周禮

條狼氏誓僕右曰殺誓馭曰祭仲逆鄭子于陳而

車輶然則周法有此刑也

立之鄭子昭公弟子儀也是行也祭仲知之故稱疾不往

人曰祭仲以知免仲曰信也時人譏祭仲失忠臣之節仲以子亶為渠

彌所立本既不正又不能固位安民宜其見除故即而然譏者之言以明本意。知音智又如字○周公

欲弑莊王而立王子克莊王桓王太子王子克莊王弟子儀。弑申志反辛

伯告王遂與王殺周公黑肩王子克奔燕辛伯

周大夫初子儀有寵於桓王桓王屬諸周公辛

伯諫曰並后妾如后。屬音燭匹嫡庶如嫡。嫡丁麻反注同兩政擅臣

命。擅市戰反耦國都如亂之本也周公弗從故及及於

難也。難乃且反

附釋音春秋左傳注疏卷第七



春秋左傳注疏卷七技勘記

阮元撰盧宣旬摘錄

附釋音春秋左傳注疏卷第七

相七年盡十八年宋本春秋正義卷第七

經七年

高平鉅野縣南有咸亭

續漢郡國志作西有咸亭

不復譏其失地地咸邱

宋本監本毛本次地字作也

傳七年

今僻陋之語傳本無文

宋本僻作辟與注合

注盟向至鄭成

宋本此節正義在注邾王城之下

既而背之

蓋本毛本而誤有

經八年

春正月己卯烝

閩本春上有八年二字

以為天地之主非天子則誰乎

宋本作以為天地宗廟社稷之主君何謂已重

乎此言繼先聖之後為天地之主非天子則誰乎

明是王不當親也

浦鏜正誤云親下當脫迎字

傳八年

漢淮之間

朱本此節正義在乃患而遷之下

東經漢中魏興

閩本監本毛本興作典誤

導淮自桐柏

閩本監本毛本柏作栢下同

不從季梁謀

淳熙本謀作職

冬王命虢仲立晉哀侯之弟緡于晉

石經作緡于晉顧炎武云石經凡從民字皆改

從氏避諱省筆案史記十二諸侯年表作潛

經九年

傳九年

注韓服至州縣宋本以下正義二節摠入鄧師大敗節注下

此年傳文十六年與秦楚滅庸宋本下有見字

鄧在今鄧縣南沔水之北文選李善注沈沫文齊安陸昭碑引注文作鄧今鄧鄉縣南

江水之北案江字葦

夏楚使鬬廉帥師石經初刻作楚子使後刊去子字

荀侯陳榘華云應邵班叔皮北征賦注引作郇侯漢書地理志同

未誓於天子而擣其君山井鼎云足利本後人記云異本君下有事字

注諸侯至上卿

宋本以下正義二節摠入篇末

蘇云誓於天子下君一等

浦鍾正誤蘇改作所

經十年

惡三國之伐在檀

閩本監本毛本三誤二在檀宋本監本毛本作有禮閩本亦誤在檀

此聖人之所以扶獎王室

宋本獎作弊

傳十年

終施父之言

纂圖本言下有乎字非也

注號仲至大夫

宋本以下正義二節摠入出奔虞注之下

注虞叔虞公之弟

宋本以下正義二節摠入注文共池地名闕之下

周諺有之匹夫無罪

石經此行九字之匹夫三字磨改周諺有之文選李善鷓鴣賦注引作周在有

故韋昭通謂之匹夫匹婦也

閩本監本毛本亦誤作韋昭宋本作書傳是也○今正

吾焉用此其以賈害也

文選李善鶴鶴賦注引傳文作吾焉用之以賈其害

乃獻又求其寶劍

石經宋本淳熙本岳本足利本獻下有之字

齊人餼諸侯

案說文米部氣字引春秋傳作齊人來氣諸侯又曰或從既作粟或從食作餼惠棟云或從既

者禮記既稟稱事是也或從食者今通用也古氣字作气故气爲古氣字氣爲古餼字許氏引作氣所謂述春秋傳以古文也

則齊衛不合先書

宋本脫則齊衛三字

不依主兵之例

毛本兵作賓非



楚人執陳行人于徵師殺之

宋本于作于是也。今訂正

是說罪重之意

監本毛本重作治亦非宋本正德本作仲是也。依改作仲

公會宋公于夫鍾

纂圖本岡本監本毛本改作夫鍾非

在東平須昌縣東南

郟國志引注文南下有有闕城三字

傳十一年

將與隨絞州蓼伐楚師

釋文云蓼本或作薈同陳樹華云詩鄭箋引同

鄭國在江夏雲社縣東南有鄭城

鄭國淳熙本岳本足利本作鄭國宋本同雲社

岳本監本毛本並作雲社不誤按鄭城釋文作渙音云本亦作鄭郡國志引鄭城下有故國二字

莫敖患之

漢書五行志作莫囂顏師古曰莫囂楚官名也字或作敖

注邑亦國也

宋本以下正義四節摠入注文卒盟貳軫之下

縣尹稱公

監本毛本尹作令非

傳曰武王有亂臣十人

陳樹華云臣字疑轉寫者所增是也說詳襄二十八年

此注改予為武王

宋本改改作引按武王有亂臣十人叔孫穆子語見襄二十八年傳孔疏

云引予為武王者非也惟襄廿八年不引紂有億兆夷人之句而昭廿四年莫宏所引有之杜注蓋櫟括其辭

耳

祭鄭地

監本祭上有宜字闕本毛本作注亦非

注祭仲至應命

宋本此節正義入厲公立之下

經十二年

又妄稱躍為利公

毛本利誤厲

公會宋公于龜

石經凡龜字作龜

傳十二年

詩云君子屢盟

釋文屢作婁云本又作屢婁乃古屢字漢書凡屢字俱作婁

數盟則情䟽

諸本作䟽足利本作踈

情䟽而憾結

釋文亦作而岳本作則非也

絞人獲三十人

石經三十作卅

析骸以爨

閩本監本毛本析作折非

注彭水至魏縣

宋本以下正義二節摠入篇末

使伯嘉謀之

石經凡謀字作謀

說文云軍中反間也

宋本云下有謀字是也閩本監本毛本作謀說文云非也

經十二年

雖復各連同好

闕本監本毛本各誤名

傳十三年

謂其御曰

漢書五行志中作謂其馭曰案馭古文御字

舉趾高

漢書五行志作舉止高案儀禮士昏禮注云古文止作趾詩七月篇四之日舉趾漢書食貨志作四之日

舉止案說文無趾字止下云下基也象艸木出有止故以止為足古書足趾字多作止

狙怵也

案怵字从心大聲諸本誤多一點唐初說文有之今本說文改為愧開之段玉裁云

蒲騷在十一年

宋本淳熙本足刊木下有役字

賴人仕於楚者

案者下脫一〇

大夫至行也

宋本以下正義三節摠入皆免之之下

非益衆之謂也

宋本非上有其字

夫謂伯比伯比之意 閩本監本毛本脫伯比二字

召軍之諸司而勸勉之以善德 毛本召誤光

及鄆亂次以濟 釋文云本或作亂次以濟其水案水經注泗水引作以濟淇水乃轉寫其譌為淇也

羅與盧戎兩軍之 釋文作盧戎云如字本或作盧音同

莫敖縊于荒谷 釋文云荒本或作索陳樹華云案說文荒當作荒淳熙本監本毛本于作於非也按荒當

是古本古字後人改之

注公後至之地 宋本此節正義入下節之後

經十四年

脩十二年武父之好以曹地曹與會 纂圖本監本毛本脫下曹字

公所親耕以奉粢盛之倉也 宋本岳木公上有藏字與疏台山井鼎云足利本所上有

藏字所乃公字之誤岳本脫也字

天子為藉千畝

閩本監本毛本藉作籍非下同

大祭祀之穀藉田之取藏於神倉者

宋本取作收案周禮注作收

既戒曰致齊廩雖灾

毛本亦誤曰諸本作曰宋本淳熙本足利本廩上有御字灾宋本淳熙本

作災同

致齊三日

毛本致作至非下戒日致齊同

宋人以齊人蔡人衛人陳人伐鄭

公羊衛人在蔡人上

僖十四年

以大宮之椽歸為廬門之椽

監本廬誤虛

故不書

毛本作故不入誤也

經十五年

天王使家父來求車

儀禮士冠禮注引作家甫

諸侯奔亡

閩本監本毛本亡誤也

杜知是字者以蔡季子來歸

宋本以蔡下有季歸於蔡四字此等皆迴非他宋本

所能及

公會宋公衛侯陳侯于袤伐鄭

公羊宋公上有齊侯二字謬文移字注引春秋傳曰公會

齊侯于移陳樹華云是袤乃移之變體而宋公上當有齊侯也

在沛國相縣西南

陳樹華云郡國志引杜預曰在縣西南一名犇一名犇二字似杜注

傳十五年

使其壻雍糾殺之

石經壻作胥

又推按此年閏在六月

淳熙本此誤如問誤門

作于楚宮

淳熙本足利本于作爲

生急子

釋文云急詩作伋詩芄蘭篇正義引傳亦作伋史記漢書古今人表並同

注夷姜至曰烝

宋本以下正義三節摠入惠公奔齊之下

傳稱楚莊王以夏姬予連尹襄老

毛本作連君非也

失寵而自縊死

宋本淳熙本岳本纂圖本足利本縊作經

宣姜與公子朔構急子

石經初刻構作構後改從木旁構按說文無从手之構

左公子洩

漢書古今人表洩作泄是也

立公子黔牟

閩本監本毛本黔誤黔注同

蓋旌有志識故也

閩本監本無志字

經七年

丙午三月四日也

纂圖本月下增初字非也

夏五月丙午及齊師戰于奚

石經宋本無夏字與序疏合

十三年大夫盟于折

宋本淳熙本岳本纂圖本足利本三
作一不誤。今依訂正

注稱侯蓋誤

宋本蓋下有謬字

傳十七年

疆場之事

監本場誤場惠棟云古文作曷易周禮有曷地易
地楊統碑疆易不爭呂君碑慎守曷易蓋用此文

說文云曷畝也從畱三其畝畫也或從疆土案漢書禮樂志
吾易久遠晉灼曰易疆易也又食貨志云瓜瓠果楸殖於疆

疆場至不虞

毛本場誤亦此節正義宋本在注故不書侵伐之下

日官居卿以底日禮也

石經宋本岳本作底是也顧炎武公五經無底字皆是底字唯左傳襄二

九年處而不底昭元年勿使有所窺閉湫底音丁禮反今說文底字有下一畫誤字當從氏非也說詳宣三年傳

注日官至厥數

此節正義閩本監本毛本在注厥平也謂平厥數之下宋本入注以授百官之

下

辛卯弑昭公而立公子亶

宋本弑作殺非案子亶韓子難篇作子亶

公子達曰

韓子難篇作公子圉

君子至惡矣

宋本以下正義二節摠入篇末

非多其知之明

閩本監本毛本明誤名

曰知之若是其明也

毛本明作名非

而不如早誅焉

閩本監本如作于非

戒人君使疆於斷也

毛本疆作疆非也

故知是魯人也

宋本無是字

復惡已甚矣

惠棟云韓非子復惡作報惡鄭注周禮大司寇云復猶報也杜訓為重失之

本為昭公所惡而復弑君

文選李善注長笛賦引弑作殺

經十八年

故如齊之上始書夫人

閩本監本毛本始作加

不言戕諱之也戕例在宣十八年

宋本淳熙本戕作戕不誤釋文亦作戕

傳十八年

申繻曰 陳樹華云管子大匡篇作申俞

則家之與室義無以異 監本毛本與誤為

拉公幹而殺之 陳華云幹玉篇引作幹

注上車至殺之 宋本此節正義在注不書非卿之下

陳留襄邑縣東南有首鄉 郡國志引杜預曰在襄邑東南有首止城

注車裂曰輓 宋本此節正義在是行也節注下

周禮滌狼氏 周禮秋官滌作條杜子春云條當為滌器之滌此依杜注遂改條為滌案滌器之滌

古音同條毛本狼作狼非也

祭仲逆鄭子于陳而立之 陳樹華云史記作公子嬰於陳而立之是為鄭子索隱曰左傳以鄭

子名子儀此云嬰蓋別有所見也按儀同倪倪即兒小兒也故左作儀史作嬰

時人譏祭仲失忠臣之節 纂圖本監本毛本譏誤知

附釋音春秋左傳注疏卷第七

古音以新之九知有通其本
國斷新楚月
宋本此西也美帝也下舊長祿之小

蘇公仲而歸之
東華云仲止商也非備

今明家之與室義無以異
注本打本與是

春秋左傳注疏卷七按勘記